


DS
735
A2C43
1 790
v.8



咳餘叢考卷二十三

陽湖

趙翼

耘菰

一二言詩

孔穎達詩正義序云詩以申志一字則言蹇而意不會故詩之見句少不減二卽祈父肇禋之類也今按古詩亦有一言者顧寧人謂緇衣章倣字爲句還字爲句又吳志歷陽山石文楚九州渚吳九州都楚字吳字各爲句此一言詩也祈父肇禋劉勰亦引爲二字詩然尙非兩字卽成一韻老子法本章瑒瑒如玉落落如石立戒章知足不辱知止不殆史記田家之祝詞曰甌窶滿篝汙邪滿車及吳越春秋黃竹之歌曰斷竹續竹飛土逐

肉則竟以兩字相叶矣輟耕錄載虞伯生咏蜀漢事曰
鸞輿三顧茅廬漢祚難扶日暮桑榆深渡南瀘長驅西
蜀力拒東吳美乎周瑜妙術悲夫關羽云殂天數盈虛
造物乘除問汝何如早賦歸歟此又通首皆兩字一韻
更前人所未有也中州韻入聲似平聲故蜀術等字皆
與魚虞相叶古來通首一言詩惟此一首

三言詩

三言詩金玉詩話謂起於高貴鄉公然漢安世房中歌
豐草萋及雷震震一章郊祀歌之練時日太乙祝天馬
徠等章已創其體則不始於魏末矣劉勰又引喜起歌
爲三言之首而謂詩之有三五言多成於西漢蓋國風

山有榛隰有苓周須綏萬邦屢豐年之類古詩中原有此句法特漢初以之爲全篇遂成此三言之一體耳後世亦罕有爲之者劉伯溫集有思美人一篇懷麓堂詩話羅明仲謂三言亦可爲體因出樹處二韻迫西涯題扇西涯援筆題云揚風帆出江樹家遙遙在何處又有鄆人金埴專工三言多至千篇今已不傳近日朱竹垞查初白間亦爲之

四言詩

四言詩當以舜典喜起之歌爲首大禹所訓內作色荒外作禽荒六句亦濫觴也三百篇外如帝王世紀所載擊壤歌日出而作日入而息鑿井而飲耕田而食尙書

夫傳所紀卿雲歌明明上天爛然星陳日月光華宏於
一人龔乎鼓之軒乎舞之精華旣竭寒裳去之又塗山
歌綏綏白狐九尾靡靡左傳所載虞人箴曰芒芒禹迹
書爲九州經啓九道民有寢廟獸有茂草各有攸處德
用不擾穆天子傳所載西王母謠曰雲在天山陵自出
道里悠遠山川間之將子無死尙復能來職國策所記
荀卿作歌曰以瞽爲明以聾爲聰以是爲非以言爲凶
嗚乎上天曷惟其同其音節皆簡貴高古縱出於後人
擬作要非漢以後所能也蓋周秦以上及漢初詩皆四
言自五言興而四言遂少然漢魏六朝亦尙有爲之者
文心雕龍以韋孟諷諫詩爲四言首唱此後如相如封

禪頌傳毅廸志詩張茂先勵志詩陶淵明停雲詩皆傑
出者唐以後則四言遂絕如李白羅幃舒卷似有人開
明月直入無心可猜及柳子厚皇雅皆僅見者東坡作
觀棋詩記廬山白鶴觀事不聞人聲但聞落子亦偶一
爲之方嶽深雪偶談謂五言而上世人往往各極其才
之所至惟四言輒不能工劉後村謂三百篇在前之故

五言

漢初郊廟樂歌但有三言四言及長短句無所謂五言
者文心雕龍曰漢成帝品錄三百餘篇不見有五言蓋
在西漢時五言猶是初體故甄錄未及也五言漸以古
詩十九首及蘇李贈答爲始十九首或稱枚乘所作其

孤竹一篇則傅毅所作蓋漢武好尚文詞故當時才士各爭新闢奇創爲此體實亦天地自然有此一種至時而開不能秘也劉勰又曰召南行露已肇半章孺子滄浪亦有全曲則五言久矣又曰四字密而不促六字格而非緩或變之以三五蓋應機之權衡也鍾嶸又以夏歌鬱陶乎余心爲五言濫觴按三百篇中五言單句固指不勝屈若小雅以介我稷黍以穀我士女彼有不穫穉此有不斂穧乃求千斯倉乃求萬斯箱等句已皆連用五言特未製爲全篇耳漢初諸人本此以爲全篇遂成五言體至如或燕燕居息或盡瘁事國數句連用或字又爲昌黎南山詩所本

六言

任昉云六言始於谷永然劉勰云六言七言雜出詩騷
今按毛詩謂雨暵於王都曰予未有室家等句已開其
端則不始於谷永矣或谷永本此體創爲全篇遂自成
一家然永六言詩今不傳後漢書孔融傳融所著詩頌
碑文六言策文表檄其曰六言者蓋卽六言詩也今亦
不傳北史陽俊之作六言歌詞世俗流傳名爲陽五伴
侶寫而賣之俊之嘗過市欲取而改之賣者曰陽五古
之賢人君何所知輒敢議論俊之大喜則陽五又專以
此見長且世俗競相倣倣可知也然今亦不傳蓋此體
本非天地自然之音節故雖工而終不入大方之家耳

古六言詩間有可見者文選註引董仲舒琴歌二句又
樂府月穆穆以金波日華耀以宣明邊孝先解嘲寐與
周公通夢靜與孔子同意滿歌行命如鑿石見火居世
竟能幾時三國志註曹丕答羣臣勸進書自述所作詩
曰喪亂悠悠過紀白骨縱橫萬里哀哀下民靡恃吾將
佐時整理復子明辟致仕北史綦連猛傳童謠云七月
刈禾太早九月噉羔未好本欲尋山射虎激箭旁中趙
老唐書中宗賜宴羣臣李景伯歌曰迴波爾持酒卮微
臣職在箴規侍宴旣過三爵喧嘩竊恐非宜此皆六言
之見於史傳者至王摩詰等又以之創爲絕句小律亦
波峭可喜

七言

金玉詩話謂七言起於何梁然劉綰謂出自詩騷孔穎達舉如彼築室於道謀爲七言之始然不特此也如自今伊始歲其有君子有穀貽孫子等句甚多顧寧人謂楚詞招魂大招去其些只卽是七言按遷藏就岐何所依殷有惑婦何所誠等句本無些只則竟是七言也特尙未以爲全篇至栢梁則通體皆七言故後世以爲七言之始耳然古時亦已有爲全篇者皇娥倚瑟清歌曰天清地曠浩茫茫萬象迴薄化無方滄天蕩蕩望滄滄乘桴輕漾著日旁此或秦漢間人擬作至如靈樞經云凡刺小邪日以火補其不足乃無害視其所在迎之界

穽戚飯牛歌短布單衣適至鼂長夜漫漫何時旦茅濛
之先有民謠曰神仙得者茅初成駕龍上升入太清時
下元洲戲赤城繼世而起在我盈以及項羽垓下漢高
大風漢初有雞鳴歌東方欲明星爛爛汝南晨雞登壇
喚曲終漏盡嚴具陳月沒星稀天下旦安世房中歌亦
有大海蕩蕩水所歸高賢愉愉民所懷之句則全篇皆
七言亦非始於栢梁也至吳越春秋所載窮劫等曲通
首皆七言則本後漢趙長君所作不得謂吳越時卽有
此體白起戰國時人在伍胥之後而窮劫篇反引之以
比伍胥尤顯然可見其僞長君本傳謂其作吳越春秋
結蔡邕讀而嘆息益句信諸詩之爲長君作也

八言

世罕有八言詩漢書東方朔傳朔有八言七言上下晉
灼曰八言七言詩各有上下篇也然今已不傳毛詩中
惟我不敢效我友自逸一句顧寧人以胡瞻爾庭有縣
貆兮爲八言然兮字尙是語助非詩中字也此外亦不
經見舊唐書盧羣在吳少誠席上作歌諷之曰祥瑞不
在鳳凰麒麟太平須得邊將忠臣但得百僚師長肝膽
不用三軍羅綺金銀此則通首八言他如李長吉酒不
到劉伶墳上土宋人李端叔題王循書院壁有云不愛
雨井泉百尺深不愛雨庭樹千丈陰元人戴帥初題范
文正公黃素小楷詩有耳不聽下里巴人有手不寫劇

附錄
秦美新皆不過一二句而通首仍七言

九言

摯虞以洞酌篇爲九言顏延之則謂詩體本無九言者
摯虞之論未可爲據懷麓堂詩話又謂九言起於高貴
鄉公鮑明遠沈休文亦有之唐則李白蜀道難上有六
龍迴日之高標下有衝波逆折之迴湍杜集中爛如一
段清冰出萬壑置在迎風露寒之玉壺是也楊升菴又
引杜工部男兒生不成名死已老爲九言之始顧寧人
則引凜乎若朽索之馭六馬爲九言之始然非通首皆
九言也其通體爲九言者珊瑚網載元時天目山僧明
本有梅花詩云昨夜東風吹折中林梢渡口小艇滾入

沙灘切野樹古梅獨臥寒屋角疎影橫斜暗上書窓敲
半枯半活幾箇擲蓓蕾欲開未開數點含香苞縱使畫
工善畫也縮手我愛清香故把新詩嘲此則通首皆九
言也至升菴亦有梅花詩云元冬小春十月微陽回綠
萼梅蕊早傷南枝開折贈未寄陸凱隴頭去相思忽到
盧仝窓下來歌殘水調沉珠明月滿舞破山香碎玉凌
風臺錯認高樓三弄叫雲笛無奈二十四番花信催此
則又創爲九言律矣

元遺山答張教授仲文詩通首皆七古中獨有一
句係九言疑作金荃怨曲蘭畹詞云云自註云七

言長體於中一句獨九言韋
郎有此休長吉亦有此休

十言十一言

懷麓堂詩話又謂詩有十字者太白詩黃帝鑄鼎於荆

山鍊丹砂丹砂成騎龍飛上太清家是也有十一字者
少陵詩玉郎酒酣拔劍斫地歌莫哀我能拔爾抑塞磊
落之奇才東坡詩山中故人應有招我歸來篇是也

五七律排

五七律及排律雖創於初唐沈宋諸人然六朝已開其
端劉勰云左礙而尋右未滯而討前則聲轉于吻玲玲
如振玉詞靡于耳纍纍如貫珠似已研究聲律沈約八
詠詩云登臺望秋月會園臨春風秋至憫衰草寒來悲
落桐夕行聞野鶴晨征聽曉鴻解珮去朝市被褐守山
東已全是五律惟七八兩句失粘耳至陰鏗安樂宮詩
新宮實壯哉雲裏望樓臺迢遞翔鸛仰聯翩賀燕來重

簷寒霧宿丹井夏蓮開砌石披新錦雕梁畫早梅欲知
安樂盛歌管雜塵埃則已全乎律體梁簡文春情一首
溫子昇壽衣一首王勣北山一首陳後主聽箏一首又
皆七言屬對絕似七律惟篇末雜以五言二句耳薛道
衡昔昔鹽垂柳覆金堤靡蕪葉復齊水溢芙蓉沼花飛
桃李蹊採桑秦氏女織錦竇家妻關山別蕩子風月守
空闌常歛千金笑長垂雙玉啼盤龍隨鏡隱新鳳逐帷
低飛魂同野鵲倦寢憶晨雞暗牖通蛛網空梁落燕泥
前年過代北今歲往遼西一去無消息誰能惜馬蹄此
又五排濫觴也蔡孚打毬篇云德陽宮北苑東陬雲作
高臺月作樓金鎚玉瑩千金地寶仗瑠玳七寶毬寶融

一家尙三主梁冀頻封萬戶侯容色從來荷恩顧意氣
平生事俠遊其道用兵如斷蔗俱能走馬入長楸紅鬣
錦環風驟驥黃絡青絲電紫騮奔星亂下花場裏初月
飛來畫杖頭自有長鳴須決勝能馳駿足滿先籌曹王
漫說彈碁妙劇孟休矜六博投薄暮漢宮愉樂罷還歸
堯室繞垂旒此又七排濫觴也

絕句

楊伯謙云五言絕句唐初變六朝子夜體也七言絕句
初唐尙少中唐漸甚然梁簡文夜望單鴈一首已是七
絕云云今按南史宋晉熙王昶奔魏在道慷慨爲斷句
詩曰白雲滿鄣來黃塵半天起關山四而絕故鄉幾千

里梁武帝降魏在幽逼時製詩四絕其一曰南風且絕
唱西陵最可悲今日還蒿里終非封禪時曰斷句曰絕
句則宋梁時已稱絕句也柳惲和梁武景陽樓篇云太
液滄波起長楊高樹秋翠華承漢遠雕輦逐風流陳文
帝時陳寶應起兵沙門慧標作詩送之曰送馬猶臨水
離旗稍引風好看今夜月當照紫微宮隋煬帝宮中侯
夫人詩飲泣不成淚悲來翻強歌庭花方爛熳無計奈
春何蕭子雲玉笥山詩千載雲霞一徑通煖烟遲日鎖
溶溶鳥啼春晝桃花坼獨步溪頭探碧茸虞世南袁寶
兒詩學畫鴉兒半未成垂肩大袖大憨生緣憨却得君
王寵長把花枝倚輦行其時尙未有律詩而音節和諧

已若此豈非五七絕之濫觴乎詩注源流云絕句截句也如後兩句對者是截律詩前半首前兩句對者是截律詩後半首四句皆對者是截中四句四句皆不對者是截前後四句也故唐人稱絕句爲律詩李漢編昌黎集凡絕句皆收入律詩白香山亦以絕句編入格詩

三五七言

三五七言詩起於李太白秋風清秋月明落葉聚還散寒鴉棲復驚相思相見知何日此時此夜難爲情此其濫觴也劉長卿送陸澧詩云新安路人來去早潮復晚潮明日知何處潮水無情亦解歸自憐長在新安住宋寇萊公江南春詩云波渺渺柳依依孤村蒼草遠斜日

杏花飛江南春盡離腸斷蘋滿汙洲人未歸金起秉文
詩云秋風清秋爲明白露夜深重白雲秋曉輕夢四酒
渴呼童起枕上輓轡三兩聲近日查初白咏簾一首白
一字至七字又爲創體

長短詩

三百篇中間有用長短句者如山有榛隰有苓一章真
絕調也至漢而益多安世房中歌我定歷數一章四言
七言三言紛沓成篇樂府日出入一首云蕭若舊典日
出入安窮時世與人不同故春非我春夏非我夏秋非
我秋冬非我冬泊如四海之池徧觀是邪謂何吾知所
樂獨樂六龍六龍之調使我心若■嘗黃其何不來下

此後世長短句之祖也又漢武帝李夫人歌是耶非耶
立而望之偏何珊珊其來遲漢書燕王歌歸空城兮狗
不吠雞不鳴橫術何廣廣兮固知國之無人

樂府

漢書禮樂志武帝定郊祀之禮乃立樂府采詩夜誦有
趙代秦楚之謳以李延年为協律都尉多舉司馬相如

等造詩賦以合八音之調作十九章之歌師古曰樂府

之名蓋起於此

按史遷樂書云今上即位作十九章令延年次序其声云云則十九章樂府有漢武自作者按十九章中有非臣下

所敢言者如日出入之
夏非我夏等句豈代言

春非我春
者所為耶

又樂志云漢郊廟詩歌内有掖

廷材人外有上

林樂府皆以鄭聲施於朝廷故哀帝時

罷之然百姓漸漬日久湛汚自若文心雕龍曰漢武立

樂府總趙代之音撮齊楚之氣延年以曼聲協律朱馬以騷體製歌桂華雜曲麗而不經赤鴈羣篇靡而非典河間獻雅而不御故汲黯致譏於天馬然則樂府本非雅樂也又云軒代鼓吹漢世鐃挽並出樂府故樂府有鐃吹等曲

六句律詩

律詩有六句便成一首者李太白送羽林陶將軍云將軍出使擁樓船江上旌旗拂紫烟萬里橫戈探虎穴三杯拔劍舞龍泉莫道同人無膽氣臨行將贈繞朝鞭此爲六句律詩之首以後惟白香山最多如寒閨夜一首縣西郊秋寄馬造一首畱題杭州郡齋一首感芍藥花

寄正一上人一首孤山寺石榴花一首盧侍御小妓乞
詩一首皆用此體昌黎集中亦間有之如謝李員外寄
紙筆一首云題是臨池後分從起草餘兔尖針莫並蘭
淨雪難如莫怪殷勤謝虞卿正著書此又五言之六句
律詩體也

拘體七律

拘體七律如鄭縣亭子澗之濱獨立縹緲之飛樓之類
杜少陵集最多乃專用古體不諧平仄中唐以後則李
商隱趙嘏輩創爲一種以第三第五字平仄互易如溪
雲初起日沉閣山雨欲來風滿樓殘星幾點鴈橫塞長
笛一聲人倚樓之類別有擊撞波折之致至元遺山又

創一種拗在第五六字如來時珥筆勝捷訟去日攀車
餘淚痕太行步發脅宇見老阮亡來樽俎間雞豚鄉社
相勞苦花木禪房時往還肺腸未潰猶可活灰土已寒
寧復燃帟聲浩浩如欲沸世路悠悠殊未涯冷猿挂夢
山月暝老鴈叫羣江渚深春波淡淡沙鳥沒野色荒荒
烟樹平青山兩岸多古木平地數峰如畫屏長虹夜飲
海欲竭老鴈叫羣秋更哀東門太傅多祖道北闕詩人
休上書之類集中不可枚舉然後人習用者少

律詩不屬對

唐人律詩第三四句有不屬對者如李太白牛渚西江
夜崔灝黃鶴樓詩之類然第五六則未有不對惟白樂

天有通首不對但平仄甚調者自編在格詩中如重題
西寧寺牡丹憶元九詩云往年曾向東都去曾嘆花時
君未迴今年況作臨江別惆悵花前又獨來只愁離別
長如此不道明年花不開則律詩中又有此一種也然
白之外亦少有作此者

律詩兼用兩韻

鄭谷與僧齊已等其定今體詩格一曰葫蘆一曰轆轤
一曰進退所謂葫蘆韻者先二後四轆轤韻者双出双
入進退韻者一進一退湘素雜記謂鄭谷進退格兩韻
押某韻兩韻又押某韻如先押十四寒兩韻再押十五
刪兩韻也然此體是双出双入而非一進一退今按黃

山谷謝送宣城筆詩云宣城變樣蹲雞距諸葛名家將
鼠鬚一束喜從公處得十金求買市中無漫投墨客慕
科斗勝與朱門飽蠹魚愧我初無草元手不將閒寫吏
文書此詩前二韻押七虞後二韻押六魚所謂雙出双
入也東坡題南康寺重湖軒詩曰八月渡重湖蕭條万
象疎秋風片帆急暮靄一山孤許國心猶在康時術已
虛岷峨千萬里投老得歸無此詩以魚虞二韻相調而
押所謂一進一退也清波雜志謂坡自跋律詩可凡兩
韻而引李誠之送唐子方兩押山難字爲証不知誠之
本用進退格耳

迴文詩

迴文詩世皆以爲始於蘇蕙然劉勰謂回文所興道原
爲始則非起於蘇蕙矣道原不知何姓何時人按梅慶
生註文心雕龍云宋有賀道慶作四言迴文詩一首計
十二句從尾至首讀亦成韻勰所謂道原或卽道慶之
訛也但道慶宋人而蘇蕙苻秦人則蕙仍在道慶前而
勰謂始自道原意或當時南北朝分裂蕙所作尙未傳
播江南而道慶在南朝實知此體故以爲首耳今道慶
迴文不傳惟蕙詩見於記載亦名璇璣圖其序云前秦
安南將軍竇滔與寵姬趙陽臺之任而遺其妻蘇蕙於
家蕙織錦迴文題詩二百餘首計八百餘字縱橫反覆
皆爲文章名曰璇璣圖寄滔滔感其意仍迎蘇氏而遣

陽臺此迴文之祖也北史邢臧傳臧與裴敬憲盧觀等
共讀迴文集臧獨先通東觀餘論云璇璣圖讀者性曉
外繞七言至其中多不能讀少常沈公亦謂詞句脫落
讀不成文不知此詩本以五色織成因以別三四五七
言之異後人流傳不復施采故迷其句讀耳予在洛陽
於王弼

詩本

朱淑真璇璣圖記而城者天盤也經緯者星辰所行之

道也中流一眼者天心也極星不動蓋運轉不周一度
之中也其所而斡旋之處中也方太微垣也乃疊字四言詩其三方紫微垣
也乃四言回文二方之外四正乃五言回文四維乃四言回文三方之外四正乃
交首四言詩其文則不同也四維乃三言回文三方

之經以至外四經皆七言回文詩可周流而讀者也

若蘭之後罕有繼

之者隋書王劭傳有人浴於黃鳳泉得二白石頗有文
理劭遂附致其文以爲字復迴互其字作詩二百八十

篇奏之此蓋彷彿蘇蕙之體而今不傳唐人惟皮陸偶爲之宋以後則無人不作矣

疊字詩

疊字詩河水洋洋北流活活等句連用六疊此爲創體
滄浪詩話謂十九首中青青河畔草鬱鬱園中柳盈盈
樓上女皎皎當窓牖娥娥紅粉粧纖纖出素手一連六
句皆用疊字今人必以爲句法重複古詩正不當以此
論也退之南山詩延延離又屬夬夬叛還覲喁喁魚鬣
泮落落月經宿闇闇樹墻垣巉巉架庫廡參參削劍戟
煥煥銜瑩琇敷敷花披萼闕闕屋摧雷悠悠舒而安兀
兀狂以狃起起出猶奔蠢蠢駭不懋蓋亦彷彿此後人遂

轉有以此爲工有一句疊三字者吳融秋樹詩云一聲
南鴈已先紅檄檄淒淒葉葉同是也有一句內連三字
者如劉駕云樹樹樹梢啼曉鶯夜夜夜深聞子規是也
有兩句連三字者如白樂天云新詩三十軸軸軸金玉
聲是也有兩句疊四字者如柳子厚詩云柳州柳刺史
種柳柳江邊是也又宋人咏西溪云灣灣灣處復灣灣
蔡禪師十元詩了了了時無可了元元元處亦須訶亦
皆以此取奇然不過全首中一句耳惟樂天題天竺寺
詩云一山門作兩山門兩寺原從一寺分東澗水流西
澗水南山雲起北山雲前臺花發後臺見上界鐘清下
界聞遙想吾師行道處天香桂子落紛紛此則六句句

用疊字更爲創格然尙不失爲大方南宋惟楊誠齋水
月寺詩低低橋入低低寺小小盆盛小小花又紅錦黃
花詩云節節生花花點點茸茸麗日日遲遲則已纖佻
方回石頭田詩晝欲求一淘有竈無竈烟夜欲求一榻
有屋無屋椽頗峭辣可喜至如金人麻知幾答何正卿

一首

經緯蠢蠢何等民矯矯亢亢爲守貞昂昂藏藏獨異俗落落莫莫不厭貧
痛歎歸歎曰餬口鳳兮鳳兮德衰久樂云樂云死弦琴命乎命乎一杯酒

匪鱸匪鮓古爲藏避言避色必也狂至適至剛秣吾馬愛清愛淨修我牆
相之捨之時所繫目如摧如寧伏計暖太凄太任春秋優哉游哉聊卒歲
元詩

僧明本松月詩一首

大有月兮地有松可堪松月趣无窮松生金粉月
生兔月抱明珠松化龍月照長空松挂初松同禪

定月当空老僧笑此松
頭月松月何妨一處供

明人舒芬春景詩一首

春風春日競春華春水
春山春景在新柳戀鶯

鶯意柳好花迷蝶迷花尋芳子入尋芳伴買酒
人投賣酒家去是路馬頭相對日頭斜

堯山堂外記載倭人

過西湖詩一首

大連泗水水連天烟鎖孤材材鎖烟樹繞藤蘿蘿繞樹川
通巫峽峽通川酒迷醉客客迷酒船送行人人送船此會

今語古今傳皆庸俗不足供噴飯矣

聯句

雪浪齋日記云退之聯句古無此法自退之斬新開闢
范景文亦云昌黎聯句有跨句者謂連作第二三句如
城南等作是也有一人一聯者如會合遣興等作是也
有一人四句者如有所思等作是也漁隱叢話則謂謝
宣城有聯句七篇陶淵明有聯句一篇是六朝已有之
然聯句究當以漢武栢梁爲始文心雕龍曰聯句其韻
栢梁餘製是也今按六朝聯句亦不止陶謝二公南史
謝晦將被戮與兄子世基聯句世基詩曰偉哉橫海鱗
壯矣垂天翼一旦失風水翻爲螻蟻食晦詩曰功遂侔

昔人保退無智力既涉太行險斯路信難踰梁元帝與
武陵王紀交兵帝爲詩曰回首望荆門驚浪且雷奔四
鳥嗟長別三聲悲夜猿紀之子圓正被收在獄乃連句
曰水長二江急雲生三峽昏願貫淮南罪思報阜陵恩
又沈懷文傳隱士雷次宗還廬江何尚之設祖餞文士
畢集爲連句詩懷文所作尤美北史薛孝通等在孝文
帝前以忠爲韻元翹曰聖主臨萬機享世水無窮孝通
曰豈惟被草木方亦及昆蟲元翌曰朝賢既濟濟野苗
又芃芃帝曰君臣作魚水書軌一華戎孝通曰微臣信
慶渥何以答華嵩此皆六朝人連句也但其時曰連句
不曰聯句耳方勺泊宅編又引劉中壘謂泥中中露衛

二人名式微之詩蓋二人所作以爲聯句所起此未免
附會至古人聯句大概先分韻而後成詩梁武帝華光
殿聯句曹景宗後至詩韻已盡沈約以所餘競病二字
與之日所餘三韻則分韻後之所餘也陳後主集有序
宣猷堂宴集五言曰披鉤賦咏逐韻多少次第而用在
座有江總陸瑜孔範等三人後主詔得追格白易夕擲
斥拆暗諸人詩用韻與所得韻次前後正同曾不攙亂
可知古人聯句先探鉤韻字各據所得循序賦之正如
後世韻格也

杜集中有夏夜李尚書筵送宇文石首赴縣聯句又有與李之芳宇文或三人聯句則唐人聯句亦不自昌黎始

柏梁體

漢武宴柏梁臺賦詩人各一句句皆用韻後人遂以每

句用韻者爲柏梁體然柏梁以前如漢高大風歌荆卿
易水歌又如靈寶謠云吳王出遊觀震湖龍威丈人山
隱居北上包山入靈墟乃入洞庭竊禹書天地大文不
可舒此文長傳百六初若強取之喪國廬可見此體已
久有之不自柏梁始也但聯句之每句用韻者乃爲柏
梁體耳

和韻

劉貢父詩話唐時賡和有次韻

先後無易

有依韻

同任二韻

如張文潛

離黃州詩而和老杜玉華宮詩是也有用韻

用彼韻不必和

如韓

吏部用皇甫陸渾山火之類是也又有和詩不和韻者
如賈至早朝大明宮之作王維岑參杜甫皆有和章而

不用其韻也次韻實始於元白微之上令狐相國書云
稹與同門生白居易友善居易能爲詩窮極聲韻或千
言或五百言律詩以相投寄小生自審不能過之往往
戲排舊韻別諧新調名爲次韻蓋欲以難相挑耳困學
紀聞亦謂古詩有倡有和有雜擬追和之類而無和韻
者唐始有周韻謂同此韻中也後有依韻然不以次最
後有次韻自元白始至皮陸而其體乃成珊瑚鉤詩話
亦謂前人作詩未始和韻自元白爲二浙觀察往來置
郵筒相倡和始依韻而多至千言篇章甚富其自耀云
曹公謂劉元德曰天下英雄惟使君與操耳豈詩人豪
氣例愛矜誇耶此和韻始於元白之明證也然是時劉

長卿餘干旅舍云搖落暮天迴丹楓霜葉稀孤城向水
閉獨鳥背人飛渡口月初上鄰家漁未歸鄉心正欲絕
何處搗征衣而張籍宿江上館云楚驛南渡口夜深來
客稀月明見潮上江靜覺鷗飛旅宿今已遠此行殊未
歸離家久無信又聽搗征衣此二詩絕似次韻豈無心
適合耶抑有慕於元白而倣之耶按洛陽伽藍記載王
肅入魏舍江南故妻謝氏而娶魏元帝女其故妻寄以
詩曰本爲筐下蠶今爲機上絲得路遂騰去頗憶纏綿
時其繼室代答亦用絲時二韻葉石林玉澗雜書謂類
文有梁武帝同王筠和太子懋悔詩云仍取筠韻則六
朝已有此體以後罕有爲之者至元白始立爲格耳

集句

夢溪筆談謂集句自王荆公始如風定花猶落

謝真詩鳥鳴

山更幽

五言詩

之類有多至百韻者後山詩話亦謂荆公暮

年喜爲集句黃山谷以爲正堪一笑耳然此體實不自
荆公始也金玉詩話及蓼花洲閒錄謂宋初已有集句
至石曼卿遂大著嘗有下第集句云一生不得文章力
欲上青雲未有因聖主不勞千里召姮娥何惜一枝春
鳳凰詔下雖沾命豺虎叢中也立身啼得血流無用處
著朱騎馬定何人曼卿又以月如無恨月常圓對天若
有情天亦老則固不始於荆公矣其他集句之傳於後
世者孫應以韓詩排雲叫閶闔對杜詩奏賦入明光蔡

天啓以梨園子弟白髮新對江州司馬青衫濕臨邛道
士鴻都客對錦里先生烏角巾閩人林震以與爾同消
萬古愁對勸君更盡一杯酒流水無言草自春對青山
有恨花初謝揚州十里小紅樓對天下三分明月夜陸
放翁我亦輕餘子君當恕醉人元遺山白首放歌行縱
酒清朝有味是無能黃鶴一去不復返白鷗萬里誰能
馴事殊興極憂思集天澹雲間今古同皆奏泊如無縫
天衣又如孫仲衍集句輓朝雲詩家住錢唐東復東偶
來江外寄行踪三湘愁鬢逢秋色半壁殘燈照病容艷
骨已成蘭麝土露華偏濕藥珠宮分明記得還家夢一
路寒山萬木中更覺清切渾成如出一手而晁美叔嘗

以集句小劉貢父貢父曰君高明之識何至作此等伎
倆集古人句譬如蓬華之士適有佳客既無白已庖厨
而器皿肴較悉假貸於人意欲強學豪奢而寒酸之氣
終是不脫東坡答孔毅父集句見贈亦云羨君戲集他
人詩指呼市人如小兒天邊鴻鵠不易得便令作對隨
家雞退之驚笑子美泣問君久假何時歸世間好事世
人其明月自滿千家墀貢父東坡之持論固當矣然因
難見巧亦文人游戲筆墨之一端也螢雪雜說又有集
杜詩如題聖登黃閣贈亭衢照紫泥贈太泥融飛燕子地
僻舞鵲雞題絕獻納紆皇眷贈鮮于衣冠拜紫宸大歲此又集
杜之始也又文文山集杜詩至二百首按晉時傅咸已

有集經詩其毛詩一篇云聿修厥德令終有俶勉爾遁思我言維服盜言孔甘其何能淑讒人罔極有覲面曰此則實爲集句之權輿又不自宋初始矣至近日朱竹垞蕃錦集割裂成句填入詞譜則又斬新創闢前人未之有也

成語佳對

集句固見巧思然猶集古人詩句也至有經史中成語可摘爲佳對者如百斛明珠所載韓玉汝治秦州尙嚴民語曰莫逢韓玉汝有孫臨者對以可怕李金吾東坡詩君特未知其趣耳臣今時復一中之又一聯人言盧杞是好邪我覺魏徵但嫵媚後陸放翁用之放翁又有

國家科第與風漢天下英雄惟使君之句又梅執禮詩
天之未喪斯文也吾亦何爲不豫哉後山詩話二十四
考中書令王平甫對以萬八千戶冠軍侯王安中元旦
致語君子有酒多且旨化國之日舒以長永新仲詩此
時老子興不淺旦日將軍幸早臨何以報之青玉案我
姑酌彼黃金罍吳師道丈夫不學曹孟德生子當如孫
仲謀平生能著幾兩屐長日惟消一局棋近日厲樊榭
誰其云者兩黃鵠我欲遺之雙鯉魚嚴海珊春水方生
公速去桃花淨盡我重來吾友沈佩蘭有句云與我周
旋寧作我爲郎憔悴卻羞郎此生能著幾兩屐一日須
傾三百杯皆極工也

借對法

古人詩賦多有用字音借對之法張子容逢孟浩然詩
樽間柏葉酒燈發九枝花借柏字作百字也張喬月中
桂詩根非生下土葉不墜秋風借下字作夏字也劉賓
客清秋方落帽子夏正離羣不獨夏對秋而子亦借作
紫對清字也梁揆鵬鶚離風塵詩高騰霄鳳渚下睨塞
鴻賓借渚字作主字也杜甫哭李常侍詩次第尋書札
呼兒檢贈詩借第字作弟對兒字也劉禹錫談笑有鴻
儒往來無曰丁借鴻字作紅字也東坡通印子魚披綿
黃雀借子字作紫字也沈括云自朱耶之狼狽致赤子
之流離不惟赤對朱耶對子而狼狽流離乃獸名對鳥

名也又如厨人具雞黍雅子摘楊梅亦以楊借作羊字
螢雪雜說載省題詩天子居丹扆廷臣獻六箴白髮不
愁身外事六么且聽醉中詞俱以六借作緣字也東門
種瓜詩青門無外事尺地是生涯以尺字借作赤各池
陳傅良仲秋治兵賦云當諸夏之偃武必仲秋而道兵
又周以宗強賦故蒼籙之興起始諸姬而阜康以諸字
借作朱字也石林詩話王荊公詩自喜田園安五柳但
嫌尸祝擾庚桑人但知柳對桑不知庚亦是數蓋以其
日數之也陸佃謝吏部尙書表云六燕相停試銓衡其
輕重乙鴻遼遠欲審別其飛翔乙與六亦借對

扇對法

白氏金釧有四句作一對者凡詩四句以第二句對第三句第二句對第四句謂之扇對然不自白香山始也
小雅昔我往矣楊柳依依四句已肇其端曹子建云昔我初遷朱華未希今我旋止素雪云飛古塘上曲有三
莫以魚肉賤讓捐蔥與薤莫以桑麻賤棄捐菅與蒹左
太冲咏史云吾希段干木偃息藩魏君吾慕魯仲連談
笑卻秦軍喬知之定情篇故歲雕梁燕雙去今來隻今
日王庭梅朝紅暮成碧杜少陵奉先咏懷詩暖客貂鼠
裘悲管逐清瑟勸客駝蹄羹霜橙壓香橘哭鄭司戶蘇
少監云得罪台州去時危棄碩儒移官蓬閣後穀貴歿
潛天李青蓮白日何短短百年苦易滿蒼穹浩茫茫萬

劫太極長韓昌黎求觀衆邱小必上泰山岑求觀衆流
細必泛滄溟深之類固早有此格至香山而最多如書
紳之歲計莫如穀飽則不干人日計莫如酒醉則兼忘
身咏雪之我知世無幻了無干世意世知我無堪亦無
責我事朱陳村之生者不遠別嫁娶先近鄰死者不遠
離墳墓多遶村逍遙咏之此身何足戀萬劫煩惱根此
身何足厭一聚虛空塵短歌行之耳目聾脣後堂上調
絲竹牙齒缺落時盤中堆酒肉狂言示諸姪之勿言宅
舍小不過寢一室何用鞍馬多不能騎兩匹感時之貧
賤非不惡道在何足避富貴非不愛時來當自致遣興
之旨作少學士圖形入集賢今爲老居士寫貌入香山

如此之類不一而足梅聖俞作續金針但引前人詩云
昔時花下畱連飲暖日天桃鶯亂啼今日江邊容易別
淡烟衰草馬頻嘶以證之猶未廣也後來惟東坡集中
有之如和許朝奉詩云邂逅陪車馬尋芳謝朓洲淒涼
望鄉國得句仲宣樓贈張天驥詩云飢寒天隨子杞菊
自撿苴慈孝董邵南雞狗相乳抱過淮詩云朝離新息
縣初亂一水碧暮宿淮南村已渡千山赤後陸放翁亦
時用此體如東臯客輸米粲粲珠出碓南山僧餉茶細
細雪落硤是也又有律詩以四句作對者亦香山詩如
新篇日日成不是愛聲名舊句時時改無妨悅性情又
有酬劉主簿詩云我隨鵝鶩入烟雲謬上丹墀爲近臣

對
君同鸞鳳棲荆棘猶著青袍作選人此又五七律之屬

禁體詩

禁體詩始於歐陽公守汝陰日因小雪會飲聚星堂賦
詩約不得用玉月梨花練絮白舞鵝鶴等字歐公所云
脫遺前言笑塵雜搜索高寒窺冥漠者也其後東坡在
穎因禱雪於張龍公獲應亦舉此體其末云汝南先賢
有故事醉翁詩話誰能說當時號令君聽取白戰不許
持寸鐵蓋修歐公故事也然六一詩話記進士許洞會
諸僧分題出一紙約曰不得犯此一字於是諸僧皆閣
筆其字乃山水風雲竹石花草霜雪星月禽鳥之類也

然則此又歐公所本歟

雙聲疊韻

雙聲疊韻起於六朝南史謝莊傳王元謨問莊何者爲雙聲何者爲疊韻莊答曰元護爲雙聲確礫爲疊韻是也劉勰云雙聲隔字而每舛疊韻雜句而必睽談數載梁武帝嘗作五字疊韻詩曰後牖有楸柳命朝士仿之劉孝綽曰梁王長康強沈約曰偏眠船舷邊庾肩吾曰載七每碍埭徐摛曰臣昨祭禹廟殘六斛熟鹿肉何遜用曹瞞故事曰瞢蘇姑枯廬吳均沉思良久無所言帝不悅俄有詔曰吳均不均何遜不遜宜付廷尉此疊韻之始也至唐末全句疊韻者最多皮陸嘗以此倡和如

洛冥各作惡呼車姑須臾放浪曩骯髒囊裝將長揚
偃蹇晚倦獻徜徉藏光芒著雨苦齟齬蒼茫荒羊腸
黯淡厭漸險彷徨傷王陽高季迪吳宮詞筵前憐嬋
娟醉媚睡翠被精兵驚升城棄避愧墜淚

詩句有全平仄者

西清詩話載晏元獻謂梅聖俞古人章句中全用平聲
如枯桑知天風是也但恨未見仄字耳聖俞旣別乃作
仄体寄公有月出斷岸口影照別舸背之句然古詩一
句全用平仄者并有一句平一句仄相連成文者如青
蓮北上行之馬足蹶側石車輪摧高岡醉起之處世若
大夢胡爲勞其生陳情之飄風吹雲霓蔽目不得語安

陸之飛蘿搖春烟入遠構石室少陵述懷之摧頽蒼松
根地冷骨未朽赴奉先之憂端齊終南潁洞不可掇北
征之前登寒山重屢得飲馬窟西枝村之明燃林中薪
暗汲石底井韓昌黎南山詩之橫雲時平凝點點露數
岫瀧吏之官當明時來事不待說委東坡之朦朧含高
峰晃蕩射石壁元人袁桷梁山灤詩交流千尋峰會合
百谷水楊載紀夢詩萬劫永不死如循環無端范梈甘
蔗洲詩暫解霧露毒因知江山寬查初白廬山詩隕雲
如奔逃片片掠面去皆一句全平一句全仄至昌黎南
山詩或散若瓦解或赴若輻輳或錯若繪畫或繚若篆
籀則并二句全仄矣古詩羅衣何飄飄輕裾隨旋風則

龜家之膚愉吳都姝眷戀便殿宴瓊英輕明生竹石滴
瀝碧皮日休之康莊傷荒涼坐虜部五苦又溫飛卿題
賀知章故居云廢砌翳薜荔枯湖無菰蒲老媼寶葆草
愚儒輸道租雨中與李先生期垂釣先後相失云隔石
覓屐迹西溪迷雞啼小鳥擾曉沼犁泥奔低畦皆詞人
翻新鬪巧之作雖不足語於大方要亦一格也至世所
傳屋北鹿獨宿溪西雞齊啼則明徐晞爲郡吏時郡守
所出晞爲屬對者也又雙聲一體北史魏收傳崔巖嘗
以雙聲嘲收曰遇魏收衰曰愚魏魏答曰顏巖腥瘦是
誰所生羊頤狗頰頭團鼻平飯房苓籠著孔嘲釘此雙
聲之法也皮日休雜體詩序曰詩云蟬竦在東鴛鴦在

梁雙聲之始也六朝詩如王融之園衡炫紅蘼湖行畢
黃華唐詩如溫庭筠之棲息銷心象簷楹溢艷陽皆仿
雙聲而爲之者也按古人亦有不全句疊韻但二字疊
韻者亦有不全句雙聲但二字雙聲者杜詩於此等處
最嚴如支離對漂泊則雙聲也悵望對蕭條則疊韻也
雲溪友議引月影侵簪冷江光逼履清謂侵簪則疊韻
逼履則雙聲也又引幾家村草裏吹唱隔江聞爲雙聲
謂幾家及村草吹唱及隔江皆二字同音當於唇齒喉
舌間辨之也

金人王寂有送王平仲詩潦倒少嬰鐔矐儒餘思迂
半面便健羨無渠吾胡娛袖手久不偶鋪書如枯株

二句全平矣不特此也卽七言亦有全平仄者少陵詩
有客有客字子美中巴之東巴東山昌黎贈劉生之青
鯨高摩波山浮送僧隆觀之浮屠西來何施爲義山韓
碑詩之封狼生豸豸生豸帝得聖相相曰度入蔡縛賊
獻太廟梅聖俞木假山詩形侔三山中雄酋東坡以清
絲絹寄魯冀州詩鴻溪清絲清如冰趙秉文太寧山詩
羣山西來高崔嵬方愛巖峰詩巖峰孤尖來何雄又贈
郭翼詩日出衆鳥繞屋語吳梅村行路難詩梁王臺成
何崔嵬打水詞霜紉方空張輟烟此又七言之全平仄
者至通首以一句平一句仄相詩又始於皮陸今所傳
皮日休之疎杉低通墻冷鷺立亂漲是也何景明又彷彿

其體作五平五仄詩秋原何蕭蕭耳目去雜茸枯荷猶
穿塘苦霧尙抱隴寒風吹空林落日照古塚徘徊觀陳
踪露下髮忽竦并有七平七仄詩如吐舌萬里唾四海
七變入白米出甲離桂飛髻垂纖羅梨花梅花參差開
之類此又因五平五仄而廣爲七言也宋以後詩晏梅
二公固無由知唐詩之全平全仄不可勝數如是晏梅
二公俱號博洽豈未之見耶又律詩中有一句全仄者
如元遺山集中秀山行云古木凍欲折惡雨五排首句
惡雨復惡雨又病中五排起句云戰勝頗自恃薩都刺
之送客月在地半日不見路張仲舉之日色不到地亦
全用仄聲也

詩詞專用本家本人事

東坡贈張子野詩云錦里先生自笑狂莫欺九十鬢毛
蒼詩人老去鶯鶯在公子歸來燕燕忙柱下相君猶有
齒江東刺史已無腸平生謬作安昌客略遣彭宣到後
堂此通首皆用張姓故事也送鄭戶曹詩公業有田常
乏食廣文好客竟無氈亦用鄭太鄭掠故事李俊民壽
王籌堂詩此生但覺醉鄉寬王誰謂螭猶北海蟠白處
處相迎皆倒屣王人人其喜歌彈冠王州應回日懸刀
夢王山試今朝拄笏看王仙馭未來緱氏鶴月明吹徹
玉笙寒王烏衣歷歷是名家人物於今比晉多俗論不
侵揮麈話王壯懷多付缺壺歌王雖無金勒堪調馬王

賴有黃庭可換鵝

王義之

見說長江欲飛渡

王濬

那須水合望

滹沱

王霸

二首全用王家故事也近時查初白送劉大山

詩云詩酒劉家代有人不煩事事乞諸鄰篇章分得隨

州派釀法爭傳白墮神亦專用劉家事

梁溪漫志王安中見人家壁上題字亦名安中而無

姓乃題一詩於後云蜀客更名緣好尚漢臣書姓爲

同官孟公白合名驚座子夏尤宜戴小冠益號文章

緣兩李翊書制詰有諸韓二元各自分南北付與時

人仔細看通篇皆用同名事夷堅志楊察侍郎謫信

州及召還有士子十二人送之察卽席賦詩曰十二

天之數今宵席客盈位如星占野人似月分卿極醉

巫山側聯吟嘒管清他年爲舜牧協力凝蒼生此全
首切合十二字也政和間一士人遊名妓崔念四家
作詞云識箇人人恰正年年歡會似賭賽六隻渾四
向巫山重重去如魚水兩情美同倚了畫欄十二倚
了還重倚兩日不來時時在人心裏疑問卜常古
歸計擽三八清齋望永同鴛被驀然被人驚覺夢也
有頭無尾此又通首切合廿四字又有明月妓柳金
南年二十四自作詞云小妾年方二紀檀板重敲十
二欄杆倚遍步重移兩度巫山雲雨二十八宿手中
輪數不到星張翼尾此亦彷彿宋人而爲之者

南平二十四日

卷之八

陔餘叢考卷二十四

陽湖 趙翼 雲崧

曲牌名八

客中閒集載舒芬詩云爲愛宜春令出遊風光猶勝小
梁州黃鶯兒唱今朝事香柳娘牽舊日愁三擣鼓催花
下酒一江風送渡頭舟嗟予沉醉東風裏笑剔銀燈上
小樓

番語成詩

詩話總龜及詩史載余靖作胡語詩云夜筵沒羅_{言後}臣
拜洗_言兩朝厥荷_{言通}情幹勒_{言厚}微臣雅魯_言祝君統聖
壽鐵擺_{言高}俱可忒_{言無}文沈存中筆談載刁約使契丹戲

爲詩云押宴移離畢

如中國執政官

看房賀跋支

執衣防閑人

餞行三匹

裂朱

密賜十貔狸

形如鼠而大遠人以爲珍饈

以古人姓名藏句中

石林詩話載王荊公詩老景春可惜無花可畱得莫嫌
柳渾青終恨李太白以古人姓名藏句中或者謂前無
此體按權德輿集有一篇云藩宣秉戎寄衡石崇位勢
年紀信不畱弛張良自愧樵蘇則爲慙瓜李斯可畏不
顧榮宦尊每陳農畝利家林類岩巘負郭躬歛積忌滿
寵生嫌眷蒙恬聖智疎鐘皓月曉晚景丹霞麗澗谷永
不暖山梁冀無累頗符生肇學得展禽尙志從此直不
疑支離疎世事則唐人已創此體

題字嵌句首

東坡白杭將還朝坐中有營妓鄭容求落筆

良坡爲題減字木蘭花一詞判其牘尾云鄭莊求從

我尊前先墮幘落筆生風籍籍聲名不負公高山白瑩
瑩骨冰肌那解老從此南徐良夜清風月滿湖蓋用八
字於句首乃鄭容落籍高瑩從良也

數自字入詩

鮑明遠詩一身事關西家族滿山東二年從車駕齋祭
甘泉宮三朝國慶畢休沐還舊邦四牡曜長路輕蓋飛
若鴻五侯相餞送高會集新豐六樂陳廣座祖帳揭春
風七盤起長袖庭下列歌鐘八珍盈雕俎綺肴紛錯重

九族其瞻遲賓友仰徽容十載學無就善宦一朝通

十二生肖八百入詩

北史魏太和中崔光依宮商角徵羽本音而爲五韻詩以贈李彪彪爲十二次詩以報光光又爲百三郡國詩答之其體今不傳後人乃有以十二生肖及八音入詩者列朝詩集載明人胡儼十二辰詩鼯鼠飲河河不乾牛女長年相見難赤手南山縛猛虎月中取兔天漫漫驪龍有珠常不睡畫蛇添足適爲累老馬何曾有角生抵羊觸藩徒忿嚏莫笑楚人冠沐猴祝雞空自老林邱舞陽屠狗沛中市平津牧豕海東頭按元人劉因有一二辰詩飢鷹嚇鼠驚不起牛背高眠有如此江山虎踞

千里來才辨荊州免穴爾魚龍入水浩無涯幻境等是
杯中蛇馬耳秋風去無跡羊腸蜀道早還家何必高門
沐猴舞豚欄雞棲皆樂土柴門狗吠報鄰翁約買神豬
謝春雨則元人已先有此體也又丹陽集謂十二辰入
詩始於沈炯而山谷亦嘗爲之余贈莫之用詩亦彷彿此
體抱犬高眠已云足更得牛衣有餘煖起來敗絮擁懸
鶉誰羨龍鬚織冰縠踏翻菜園底用羊從他春雷乳枯
腸擊鐘烹鼎莫渠愛小茅自許猴葵香半世飢寒孔移
帶鼠米占來身漸大吉雲神馬口匝三檣蒲肯作豬奴
態虎頭食肉何足誇陰德由來報必奢丹竈成功無躍
兔玉函方秘緣青蛇則又不始於元人矣又客中間集

載林清以八音字爲句首云金紫何曾一掛懷石田茅
屋白天開絲竿釣月汀頭住竹杖挑雲嶺上來匏實曉
收栽藥圃土花春長讀書臺革除一點浮雲慮本筆題
詩酒數杯此八音詩也

藥名爲詩

藥名入詩三百篇中多有之如采采芣苢言采其蟲中
谷有蕕墻有茨堇荼如飴之類此後惟文字中用之左
傳山鞠窮戰國策蘇秦曰人之所以不食烏喙者註卽
本草烏頭也又淳于髡曰求柴胡桔梗於沮澤之中則
累世不得莊子藥者堇也雞靡也豕零也韓非子此味
非飴蜜也必葶藶苦菜也呂氏春秋仲夏之月半夏生

又免絲井無根也茯苓是也宋玉招魂白芷生淮南子
地黃主屬骨甘草主生肉又亂人者芎藭之與藁本也
蛇牀之與薜蘿也又蛇牀似薜蘿而不能芳王褒九懷
有欵冬生劉向九嘆有筐澤瀉以豹鞞王充論衡言毒
篇有巴豆野葛食之殺人皆藥名之見於文者而以之
入詩甚少如張籍答鄱陽客詩江臯歲暮相逢地黃葉
風前半夏枝柳子厚詩藥閒庭延國老開尊虛室值賢
人國老甘草也雍陶詩村園門巷多相似處處春風枳
殼花姜堯章詩土肥抽盡宿砂苗陳白沙詩恰到溪窮
處邨邨枳殼花楊夢山詩常記任家亭子上連翹花發
共銜杯此不過興會所觸偶拈入詩非專以鬪巧也乃

有專以此見奇者陸龜蒙有烏啄蠹根回及斷續玉琴
哀之句實始濫觴沈括謂烏啄乃烏啄之訛藥中只有
續斷無斷續也溫公詩話陳亞郎中以藥名爲詩至百
首如風雨前胡夜軒窓半夏涼棋怕臘寒呵子下夜嫌
春煖宿紗裁又咏上元夜遊人云但看車前牛領上十
家皮沒五家皮贈乞雨白曝僧云不雨若令過半夏定
應曬作葫蘆巴又咏白髮云若是道人頭不白老君當
日合烏頭元人陳孚亦有交趾驛作藥名詩長空青茫
茫大澤瀉月色史君子何來山椒遠于役虎狼毒草叢
淚如鉛水滴更苦參與商骨肉桂海隔問天何當歸天
南星漢白皆遊戲筆墨頗亦可喜客中閒集亦有四海

無遠志一溪甘遂心之句

拆字詩

南宋人苕溪集有拆字詩一首日月明朝昏山嵐白
起石皮破仍堅古木枯不死可人何當來意若重千里
永言詠黃鶴志士心未已

口吃詩

寓簡載劉元父嘲吃者云本是昌家又爲非類但有雄
聲惟聞艾氣謂周昌韓非揚雄鄧艾也此但取口吃故
事非口吃詩也王阮亭池北偶談載文太青戲作口吃
詩云黠子向客苦哆口漆栗筆蜜手柳酒按此事見墨
客揮犀鳳州三出手柳酒宣城四出漆栗筆蜜皆土產

也然口吃詩不自文太青始唐姚合有葡萄架詩云葡萄
藤洞庭頭引葉漾盈搖皎潔鉤高掛玲瓏影落窠陰烟
壓幽屋濛密夢冥苗清秋青日翠冬到凍都凋又冷齋
詩話載東坡有口吃詩云江干高居堅關扃耕犍躬駕
角挂經孤航繫舸菰菱隔笳鼓過軍雞狗驚解襟顧影
名箕踞擊劍高歌幾舉觥荆笄供膾愧攪眊乾鍋更戛
甘瓜羹可見遊戲筆墨古人已有之至如謝在杭與徐
興公贈口吃孝廉之作謝二首云綠柳龍樓老林蘿嶺
路涼露來蓮漏冷雨淚落劉郎黎嶺連連路蘭陵累累
樓流離憐冷落郎輦懶來畱徐二首云畱戀蘭陵令淋
漓雨淚流嶺蘿涼弄瀨路柳絲連樓此又太青之後踵

爲之者也

雙關兩意詩

古樂府何當大刀頭破鏡飛上天石闕生口中銜悲不能語子夜歌云霧露隱芙蓉見蓮不分明明燈照空局悠然未有期理絲入殘機何悟不成匹讀曲歌云芙蓉腹裏菱蓮子從心起唐詩如高山種芙蓉復經黃蘗塢未得一蓬時流離嬰辛苦意外山魃立知渠脚不多二更機底下摸著是誰梭玉作彈碁局心中最不平又劉禹錫詩東邊日出西邊雨道是無情也有情玲瓏骰子安紅豆入骨相思知未知李義山無題詩春蠶到死絲方盡蠟炬成灰淚始乾陸龜蒙旦日思雙履明時願早

諧皮日休莫言春繭薄猶有萬重絲又珊瑚鈎詩話碧
藕連根絲不斷紅蕖著子蕙何多又東坡蓮子劈開須
見蕙楸枰著盡更無棋破衫却有重縫處一飯何曾忘
卻匙趙彥村注云此吳歌格借字寓意也蕙與意棋與
期縫與逢時與匙俱同音也又東坡在黃州書一聯云
對草尙能攔浪藕絲不解畱蓮亦用此體高李廸竹枝
詞春衣未織機中錦只是長絲那得縫亦以絲借作思
縫借作逢也元人徐夢吉西湖竹枝詞云莫爲採蓮忘
却藕月明風定好迴船借藕作偶也

壽詩輓詩悼亡詩

壽詩輓詩悼亡詩惟悼亡詩最古潘岳孫楚皆有悼亡

詩載入文選南史宋文帝時袁皇后崩上令顏延之爲
哀策上自益撫存悼亡感今懷昔八字此悼亡之名所
始也崔祖思傳齊武帝何美人死帝過其墓自爲悼亡
詩使崔元祖和之則起於齊梁也葉水心題蜀僧北澗
集云集中有上生日詩不可傳於後是宋時猶以稱壽
詩爲戒郎仁寶云輓詩盛於唐非無交而涕也壽詩盛
於宋漸施於官府亦無未同而言者亦見懷麓堂詩話
近時二作不論識與不識轉相徵求動成卷帙可恥也
空同大復集中少之此過人矣

帖子詞

宋時入節內宴翰苑皆撰帖子詞如歐陽公司馬溫公

集中皆有之丹陽集載春帖子詞尤多如蘇子容云璇
霄一夕斗杓東潏灩晨曦照九重和氣薰風摩蓋壤競
消兵甲事春農鄧伯溫云晨曦潏灩上簾櫳金屋熙熙
歌吹中桃臉似知宮宴早百花頭上放輕紅蔣穎叔云
昧旦求衣向曉雞蓬萊仗下日將西花添漏鼓三聲遠
柳吹春旗一色齊梁君貺云東方和氣斗回杓龍角中
星轉紫霄聖主問安天未曉求衣親護紫宸朝皆莊麗
可誦見太平景象乃明成化中編修黃仲昭檢討莊景
不肖上元宵詞且上疏論列以去按宋史鄒浩爲教授
范純仁托換致語浩不肖純仁曰翰林學士嘗爲之浩
曰翰林學士則可祭酒司業則不可致語與帖子詞同

類是浩亦未嘗以翰林爲不可撰也况高季迪詩云去歲端陽直禁闈新題帖子進彤屏則明初猶有此例而仲昭等并不知其不學甚矣潤色太平翰林本職歐陽司馬何害其爲名臣亦何損於朝政乎

口號

杜詩有題曰口號者如晚行口號之類然梁簡文帝有和衛尉新渝侯巡城口號詩唐張說有十五夜衙前口號詩則不始於杜也

元韻原韻

近代詞章家和朋友詩則曰原韻和御製詩則曰元韻益取元音之元以示尊崇不知原韻本應作元韻並非

假借也元者本也本來曰元來班固兩都賦元元本本
是也若原字則原蠶原廟皆作再字解初無所謂本來
之義不知何以遂替元字顧寧人曰知錄謂洪武中臣
下有稱元任官者嫌於元朝之元故改此字然則昔以
元爲本字而以避嫌改爲原今反以原爲本字而以應
制特改爲元古今事物遷流隨世轉移者固非一端卽
此可類推也

卽席

宋武帝延後進二十餘人置酒賦詩蕭介染翰卽成文
不加點臧盾以詩不成罰酒一斗盾飲盡言笑自若帝
曰臧盾之飲蕭介之文皆卽席之美也南史梁武帝製

武宴詩三十韻示羊侃侃卽席上應詔後世卽席賦詩
本此

古詩別解

人生不滿百謂行樂當及時也新唐書李石對文宗曰
人生不滿百常懷千歲憂畏不逢時也晝短苦夜長闇
時多也何不秉燭遊勸之照也則此詩又作勸勵解曹
孟德樂府對酒當歌人生幾何當字今人作宜字解然
詩與對字並言則其意義相類世說新語王長史語不
大當對言其非敵手也元微之寄白香山書有當花對
酒之語學齋帖隸載古鏡銘有云當肩寫翠對臉傅紅
是當字皆作對字解曹詩正同此例今俗尙有門當戶

對之語

陶詩甲子紀年

自宋書及南史暨五臣文選注謂陶淵明詩自晉義熙

以後皆題甲子後世遂仍其說

宋書陶淵明傳云自以會祖晉世宰相恥復屈身異代自宋高祖功

業漸隆不復肯仕所著文章義熙以前則書晉年號永初以後惟書甲子而已

王新城池北偶談獨引傅平

叔辨陶詩中凡題甲子者十皆是晉年何得先棄司馬

家年號而預書甲子以爲此論發前人所未發不知宋

最濂集已有此論景濂跋淵明像云其詩中甲子始於

庚子迄於丙辰凡十有七年皆晉安帝時作初不聞題

隆安義熙之號至其閒居詩有空視時運傾擬古九章

有忽值山河改之語必宋受禪之後乃反不書甲子何

也是此論已發自金華又按謝枋得碧湖雜記謂治平中虎邱僧思悅編淵明詩謂題甲子者始庚子迄丙辰凡十有七年皆晉安帝時作至恭帝元熙二年庚申宋始受禪自庚子至庚申蓋二十年豈有宋末受禪而預題甲子之理曾裘父詩話及郎仁寶七修類稿亦主其說然則此論南宋時已有之并不自金華始也疊山又謂劉裕自庚子得政後晉室大權盡歸相府淵明白庚子後卽題甲子者蓋逆知末流必至於此也此說又巧爲附合耳後人有倣而行之者南唐自顯德五年用中原正朔士大夫以爲恥碑文但書甲子見懶真子又歸德人趙俊僞齊劉豫時卻聘不仕凡家書文字不用豫僭號但

書甲子

見宋史本傳

杜詩金蝦蟇

杜詩坡陀金蝦蟇出見蓋有由至尊顧之笑王母不肯收復歸虛無底化作長黃蚪錢註引西陽雜俎所載月光屬林化金背蝦蟇事以爲月者陰精后妃之象托喻貴妃之暱祿山也按瀟湘錄唐高宗患頭風宮人穿地置藥爐忽有蝦蟇躍出色如黃金背有朱書武字宮人奏之帝驚異命放苑池則杜詩所咏正此實事而非如註家所云也

乞爲奴

哀王孫篇但道困苦乞爲奴論者謂極言流離之苦不

知亦有所本南史齊建安王子真明帝遣裴叔業就典
籤柯令孫殺之子真走入床下令孫手牽出之叩頭乞
爲奴又河東王鉉亦爲明帝所害聞收者至曰死生命
也終不倣建安乞爲奴而不得遂仰藥卒梁武陵王紀
太子圓照被收謂陸法和曰願爲公作奴法和叱遣之
北齊樂陵王百年爲武成帝所害將死曰乞命願與阿
叔作奴此皆王子王孫事少陵詩正本此乃益見其使
事之精核也

李義山詠史詩

李義山詠史詩歷覽前賢國與家成由勤儉破由奢按
韓詩外傳戎王使由余於秦穆公問以得失之要對曰

隱食黃老 卷三 二
古有國者未嘗不以恭儉也失國者未嘗不以驕奢也
義山之詩蓋本此不得以其明白易曉遂以爲無來歷
也

唐彥謙長陵詩

唐彥謙長陵詩耳聞明主提三尺眼見愚民盜一坏葉
石林謂一坏可去土字三尺不可去劍字按漢書高帝
紀上曰吾以布衣提三尺取天下豈非天命乎鹿門此
詩正用漢書成語非杜撰也

聶夷中詩

聶夷中傷田家詩云二月賣新絲五月糶新穀醫得眼
前瘡剜却心頭肉學齋古畢引之以爲最得風人之體

但二月安得有絲當是傳寫之誤耳云云不知此正所謂醫瘡剜肉也蓋二月絲未出五月穀未登而迫不及待則預指將來所出之絲穀以售人錢正如陸宣公疏所云蠶事方興已輸緡稅農功未艾遽歛穀租也今里俗亦有如此者

紫濛

宋鄭毅夫送程公闢出守會稽詩雪急紫濛催玉勒日長青瑣聽薰絃方回注紫濛虜中館名也陳繼儒枕譚則引晉書載記慕容氏邑於紫濛之野謂詩意以慕容比遼而謂方回注出於臆見楊用修亦引此以爲是時遼宋方睦故臣下贈答之詩亦不涉譏刺而方虛谷以

爲館名乃妄猜之詞耳按新唐書地理志平州有十二
戍一曰紫濛亦見五代史四夷附錄而張守珪傳討契
丹次於紫蒙川大閱軍實紫濛之爲邊戍久矣宋史章
頻傳頻爲刑部郎中使契丹至紫濛館卒契丹遣內侍
就館奠祭則紫濛實館名也注者非誤而睂公及用修
轉失之耳韓琦安陽集有紫濛遇風詩草白岡長暮驛
賒朔風終日起平沙之句益知紫濛爲遼地名而非必
援引慕容故事也

東坡詩咏三良

東坡鳳翔詩云昔公生不誅孟明豈有死之日而反用
其良乃知三子殉公意亦如齊之二子從田橫和陶咏

三良亦云此生大山重忽作鴻毛遺三子死一言所死
良已微是蓋以三良之死爲出於自殉而非穆公之亂
命也按漢書匡衡傳秦穆貴信而士多死應劭註云公
與羣臣飲酒酣公曰生共此樂死共此哀奄息仲行鍼
虎許諾及公薨皆從死魏人哀三良詩亦云秦穆先下
世三臣皆自殘生時等榮樂旣歿同憂患坡詩實本諸
此楊循吉亦謂穆公不殺敗軍之三將豈有以三良爲
殉之理則又本東坡之說

赤壁賦洞簫客

東坡赤壁賦客有吹洞簫者不著姓字吳匏菴有詩云
西飛一鶴去何祥有客吹簫楊世昌當日賦成誰與註

數行石刻舊曾藏據此則客乃楊世昌也按東坡次孔
毅父韻不如西州楊道士萬里隨身只兩膝又云楊生
自言識音律洞簫入手清且哀則世昌之善吹簫可知
匏菴藏帖信不妄也按世昌綿竹道士字子京見王註
蘇詩

陳季常

陳季常作龜軒坡贈詩云聞君開龜軒東檻俯喬木人
言君畏事欲作龜頭縮此但言其謝絕塵事耳於懼內
無涉也後人因坡又有戲季常詩云忽聞河東獅子吼
拄杖落手心茫然王註云有王覲者字達觀爲坡言季
常妻柳氏最如每季常設客有聲妓則柳氏以杖擊壁

大呼客爲散去於是傳奇家演其事至極可笑而近世
諱言龜者并附會以此爲事始然坡別季常詩云家有
紅顏兒能唱綠頭鴨是季常有歌妓也閉門弄添丁哇
笑雜呱泣是季常本有子也亦何至如傳奇之穢褻哉

元遺山詩多複句

古來詩人佳句罕有重出者惟任昉別謝言揚詩詎念
羞嗟人方深老夫托又報劉孝綽詩詎慰羞嗟人徒深
老夫托宋璟和御製璟與張說源乾曜同日上官命宴
都堂賜詩應制中有聖酒江河潤仙文象緯舒之句而
和聖製送張說巡邊內亦有聖酒江河潤天詞象緯明
但改三字耳許渾京口寄友人詩有一尊酒盡青山暮

千里書回碧樹秋之句而郊園秋日寄友詩又用之呈
郭少府詩有江邨夜漲浮天水澤國秋生動地風之句
而漢水傷稼又用之送僧歸桂州詩楚客送僧歸桂陽
海門帆勢極瀟湘碧雲千里暮愁合白雪一聲春思長
而和劉三復送僧詩亦用此四句但改桂陽爲故鄉耳
蘇東坡亦間有複句如邇英拜賜御書有云捷書夜到
甘泉宮而洮西報捷詩亦云露布朝馳玉關塞捷書夜
到甘泉宮又前生白是盧行者後學過呼韓退之一聯
旣用於答周循州詩內又用於贈虔州術士謝晉臣詩
內但贈謝詩換自是爲恐是耳趙秉文滏水樂濟源絕
句云樹映樓臺水映空溪容林意雨溶溶夏山如醉無

人畫遠處微茫近處濃題劉德溫湖山豐夏圖又云遠處微茫近處濃岸容林意雨溶溶夏山如醉無人畫更倩劉郎作幾峰此皆詩句之複出者然此外亦不多見惟元遺山複句最多如懷州城晚望少室云十年舊隱拋何處一片傷心畫不成重九後一日作云重陽擬作登高賦一片傷心畫不成題家山歸夢圖云卷中正有家出在一片傷心畫不成雪香亭雜咏十五首內有云賦家正有蕪城筆一段傷心畫不成元都觀桃花云人世難逢開口笑老夫聊發少年狂同嚴公子東園賞梅云佳節屢從愁裏過老夫聊發少年狂此日不足惜篇就令一朝便得八州督爭似高吟大醉窮朝晡送李叅

軍北上詩內又有就令一朝便得八州督爭似綵衣起
舞春欄斑桐川與仁卿飲一律風流豈落正始後詩卷
長畱天地間題梁都運所得故家無盡藏詩卷亦有此
聯田不伐望月婆羅門引云兩都秋色皆喬木三月阿
房已焦土存沒一首又云兩都秋色皆喬木一代名家
不數人答樂舜之云兩都喬木皆秋色耆舊風流有幾
人東山四首有天公老筆無今古枉著千金買范寬胡
壽之待月軒詩又有天公老筆無今古枉卻坡詩說右
丞錢過庭烟溪獨釣圖綠簑衣底元真子不解吟詩亦
可人息軒秋江捕魚圖又有綠簑衣底元真子可是詩
翁畫不成臺山十詠內有云惡惡不可惡惡可未要雲

門望太平贈劉君用可菴二首內一首云惡惡不可惡
惡可笑殺山家老无盆次首云惡惡不可惡惡可大步
寬行老死休寄希顏末句共舉一杯持兩螯送曹壽之
平水亦用此句作結此複句之最多者也自後惟薩天
錫題揚州驛三四一聯云寒砧萬戶月如水塞鴈一聲
霜滿天而鴈門集中有過廣陵驛一首又將此二句作
五六一聯但改塞鴈作老鴈耳又成廷珪次李希顏述
懷韻領聯云諸公莫謂王夷甫我輩終慚管幼安寄江
西宋子與令尹詩又以此二句作結但改謂爲責終爲
深耳至高季廸而複句又多如次韻西園公咏梅有云
春後春前曾獨探江南江北每相思而和衍師咏梅第

三首亦有此二句但改採爲看耳次韻陳畱公見貽湖
上之作有云葉應隨鳥散山欲趲波流月夜遊太湖排
律內亦有此二句則并一字不換晚尋呂山人有云君
家最可認隔樹有書聲題徐山人畫贈內弟周思恭亦
云君家還可認爲有讀書聲送思上人有云野飯晨畱
鉢城鐘夜到船送衍師亦云村中乞米晨畱鉢城外聞
鐘夜泊船雖化五言爲七言亦未換意咏樵有云伐木
驚禽起穿雲畏虎過又一首咏樵云穿雲衝過虎伐樹
起棲禽查初白敬業堂集卷九送陳仲夔句有云殷勤
百里猶相送萬疊西山一故人卷十一中出都別親友
詩云京華回首無多戀萬疊西山幾故人又卷九灤縣

晚泊詩云春水如油滑上篙十二卷渡太湖詩又云秋水如膏滑上船此亦詩之重出者也

劉後村詩多用本朝事

詩人有直咏本朝事者如長恨歌連昌宮詞之類自古已然杜少陵贈韋左丞詩李邕求識面王翰願卜鄰答張舍人詩李鼎死岐陽實以驕貴盈來瑒賜白盡氣豪直阻兵寄劉伯華詩學並盧王敏書偕褚薛能又封氏聞見記范液命蹇作詩曰南游李邕死北望守珪殂時液欲謁二人會已死故云此皆直用時事非以當數典也若以本朝事作詩料以供驅使則唐以前無之卽唐人亦罕見惟摭言載令狐文公表薦張祜詩三百首乞

付中書門下值元稹在相位奏黜落之祐以詩自悼曰
賀知章口徒勞說孟浩然身更不疑羅隱湘南春日詩
洛陽賈誼自無命少陵杜甫兼有文此已開其端及東
坡詩欲問君王乞符竹但愁無鱗有監州此用錢昆少
監語昆亦宋初人此爲本朝人用本朝人事然尙未多
見至南宋則楊誠齋有司馬要爲元祐起西樞正坐壽
皇知細叅六一泉中味故有涪翁句子香東坡玉糝真
窮相中國如今相司馬鄭花不得半山句卻參魯直稱
門生之類陸放翁有酒僅三蕉葉琴纔一履霜

自注東坡
飲三蕉葉

范文正好琴僅能彈履
霜一曲時謂之范履霜

又委轡看山無鐵獼拾樵煎茗有青

猿自注梅聖俞馬名鐵獼
王元之小童名青猿

元祐大蘇逝不返慶歷小范今誰知

之類竟以供驅使矣而尤專以此見長者莫如劉後村
池北偶談已爲略摘數條如鍊句豈非林處士鬻書莫
是穆參軍艱虞夷甫方謀窟老懶堯夫少出窩未愛潘
郎呼作友便教米老拜爲兄山房惜未從公擇書局曾
聞擬道原立志如歐母生兒似富公野人只說羹芹美
相國安知食筍甘事先白傳求閒日銜似溫公約史年
公閒去伴种司諫我懶思尋靖長官清於坡老遊杭市
儉似乖崖在劔州軍皆歌范老民各像乖崖賈董奇才
無地立歐蘇精鑒與人同安知李廌揮門外不覺劉幾
入彀中等句然後村用本朝事不止此數十聯也今更
添摘於此哭季父寂靜翁云涪翁舊傳七分正邵子先

天一畫無和張簡簿尉云務觀可教供史草補之不會

作宮梅用王去非韻云素無沂國三塲志曾有西山一

瓣香次王實父云早亦曾譏秦氏者晚爲與議濮園人

向來曾上慶歷頌老去甘爲元祐人自和詩云侍讀自

無遷府分中丞還有坐船時

自註梅詢侍讀捫其足曰是中有鬼使我不至宰相舒亶去國僱客舟歸

鍾阜解仇無宿憾

荆公與呂吉甫解仇

荆江感事有新吟

山谷有荆江書事十絕

蔡偉叔講書云舉揚霽月光風易箋注先天太極難挽

王華甫云潁濱碑玉局曲阜狀南豐答梁文柏云柳永

詞堪腔裏唱劉義詩自膽中來挽湯仲甫云零落歐門

士消磨濮議人感昔云旁無公議扶种李中有流言沮

范韓生前上亦知強至死後人方誅尹洙書感云欲招

程子看通典兼起歐公講繫辭先儒一首云康節易傳
於隱者濂溪學得自高僧挽湯仲甫云樗老徒書局徂
徠不諫官哭孫季蕃云相君未識陳三面兒女多知柳
七名懷曾景建云碎版一如坡貶目蓋棺不見檜薨年
題宋謙父詩卷云蘇氏舊稱小坡賦秦家晚重少章詩
甲辰書事云往昔曼卿曾奪敕後來同甫竟成名范老
登科猶別姓余公應舉亦更名送實之倅廬陵云似聞
黃谷登迂叟且向清源訪醉翁黃本何堪處秦觀白麻
近已拜申公愛蓮亦既見君子看竹不須通主人答李
元善云平生陳無已白首空吟債未嘗交馬呂况肯見
章蔡單句如石塘感舊云夜來一段佳風月不見堯夫

只見窩上已云頗思攜鶴訪孤山村墅云堯夫生死太
平時別敖器之云當日烏臺要勘詩贈豫知子云妙似
堯去測牡丹題陳霆詩卷云後有荆公選百家送趙信
州云虹貫元章載畫舟挽連夫人云瀧阡新刻豐碑妙
如此之類不一而足其意固在爭新然以本朝事作詩
料運用究欠穩重後村之後亦少有此體也惟周密以
莫子山饌客不及梁棟爲棟所訐謂其作詩有譏訕語
遂入獄後歸病死密挽詩云秦郎獄成盃酒裏烏臺禍
起一詩間其法似彷彿後村至楊鐵崖湖州作有云得句
時過張外史學書不讓管夫人李空同盜賊一首云密
邇千斤竹查嶺不聞滿四石頭城此亦直敘時事與後

村之用作詩料者不同

宋人不惟詩用本朝事卽四六亦然謝疊山有謝丞相免追算公賞錢糧啓云使稼軒之帑屢空無辭於罰若師魯之錢公使當辨其冤

引用辛稼軒尹師魯故事

孫蕢詩

明董穀碧里雜存載孫蕢爲藍玉題畫被誅臨刑口占云鼙鼓三聲急西山日又斜黃泉無客舍今夜宿誰家太祖問之曰有此好詩而不奏何也遂誅監刑者按此詩乃五代時江爲所作爲建州人值王氏國亂其友欲亡奔江南爲爲草投江南表其友未出境被擒搜得稿遂并收爲爲臨刑詞色不撓口稽康之死也顧日影而

彈琴今琴則不暇彈賦一詩可矣乃索筆爲詩曰衙鼓
驚人急西傾日易斜黃泉無旅店今夜宿誰家事見潯
陽陶岳所撰五代史補第五卷今乃移之仲衍何耶豈
仲衍被刑時誦此詩以寓哀聞者不知遂以爲仲衍自
作而董穀因記之耶朱竹垞明詩綜不載此事自是有
識明史於賈傳但云臨刑賦詩長謳而逝而不載其詩
句較爲不露然曰臨刑賦詩似亦以詩爲賈自作也王
鏊震澤紀聞王朴忤旨太祖命斬於市朴臨死作詩旣
殺後行刑者復命上惻然問朴死何言以詩聞上曰彼
有片言亦當以聞况詩耶行刑者數人俱坐死據此則
又是王朴事

云公詩往往有大白樂天語某輒能識之亦陰誚其襲用前人語也然如河分岡勢春入燒痕本非一人之詩而掇拾作聯亦未爲不可而行墨間輿之所至偶拉入前人詩一二句更不足爲病也惟全用一聯一首略換數字此則不免剽竊之誚今按庾信詩地中鳴鼓角天上下將軍而駱賓王賦有云隱隱地中鳴鼓角迢迢天上下將軍陰鏗詩水田飛白鷺夏木嘯黃鸝而王維詩有云漠漠水田飛白鷺陰陰夏木嘯黃鸝薛據詩省闕開文苑滄浪學釣舟而杜甫詩有云獨當省署開文苑兼從滄浪學釣舟白居易寄元九詩百年夜分半一歲春無多而黃魯直詩有云百年中半夜分去一歲無多

春暫來羅隱隴頭水詩云借問隴頭水年年恨何事全
疑嗚咽聲中有征人淚而于瀆詩亦云借問隴頭水終
年恨何事深疑嗚咽聲中有征人淚唐詩忍以浮雲看
世代悲將流水照鬚眉而劉青田題太公釣渭圖有云
浮雲看世代流水照鬚眉此皆不得謂非抄襲也又楊
鐵崖樂府中湖龍姑曲有湖風起浪如山銀城雪屋相
飛翻白鼉豎尾月中泣倒捲君山輕一粒浪花拍碎岳
陽樓萬斛龍驤半空立等句而張思廉和其曲亦云洞
庭八月明月寒湖龍捧出玻璃盤湖風忽來浪如山銀
城雪屋相飛翻白鼉樹尾月中泣倒捲君山輕一粒浪
花拍碎回仙樓萬斛龍驤半空立但起處稍不同耳今

李夢陽詩重韻

韓昌黎鄜城聯句云兩廂鋪氍毹五鼎調勺藥又云但
擲雇笑金仍祈卻老藥一首乃用二藥字袁文云前藥
字本子虛賦中勺藥之和具而後御之勺音酌藥音略
也後藥字乃如字也則字雖同而音義各別固不妨兩
押李夢陽

送徐子將適湖湘有云長安

繡陌行麒麟末句又云歸來著書追獲麟

兩麟

字無兩音兩義

王阮亭柳墓詩

王阮亭謂儀真柳屯田墓其地名仙掌故其真州詩內

有殘月曉風仙掌路何人爲弔柳屯田之句然曾達臣
獨醒志謂柳耆卿死葬於棗陽縣花山遠近詞人每遇
清明日多載酒飲於其墓側謂之弔柳會則柳墓在襄
陽不在真州也阮亭或未深考耳

古今人詩句相同

古今人往往有詩句相同者庚溪詩話云趙紫芝有野
水多於地春山半是雲之句余讀文苑英華所載唐詩
此二句皆已有之但不作一處耳唐僧詩河分岡勢斷
春入燒痕青一僧嘲其蹈襲云河分岡勢司空曙春入
燒痕劉長卿不是師兄偷古句古人詩句犯師兄蓋皆
以剽竊爲戒金趙秉文詩多犯古人句李屏山序其集

各刻集中豈本張作經鐵崖刪改後人遂各刻其集耶
又虞道園挽文丞相詩有子房本爲韓仇出諸葛寧知
漢祚移而楊鐵崖洪武初不赴召作詩亦有子房本爲
韓仇出諸葛寧知漢祚開全用其句別本云商山本爲
儲君出黃石終期孺子來豈鐵崖知襲用前人之非後
乃改之耶顧俠君謂鐵崖艷詩有全寫韓冬郎句者英
雄欺人不可爲訓蓋謂此也又元人李孝光墨梅詩孤
山招得老逋魂白鶴歸來楚雲黑而同時成廷珪亦有
墨梅詩云三生石上見逋仙獨鶴歸來楚雲黑此亦明
是相襲至如宗楚客有日映層巖圖畫色風搖雜樹管
絃聲之句而杜少陵絕壁過雲開錦繡疎松隔水奏笙

簷似之白香山有醉貌如霜葉雖紅不是春之句而蘇
東坡兒童談喜朱顏在一笑那知楚醉紅亦似之又放
翁詩西風吹散朝來酒依舊衰顏似葉黃元人詩貌似
葉紅都被酒頭如雪白也簷花此又脫胎變化另出鑪
錘使人不覺其運用之妙又元遺山感金哀宗入蔡州
詩蛟龍豈是池中物蟣蝨空悲地上臣同時李俊民有
襄陽變後詩蛟龍不是池中物燕雀休嗤壘上人亦指
蔡州亡國事似亦相襲然各極對偶之妙

詩作嗛嚅

詩人有以佳句得名者如趙嘏之長笛一聲人倚樓而
人稱爲趙倚樓也鄭谷之咏鷓鴣有花落黃陵廟裏啼

而人稱爲鷓鴣也鮑當以孤鴈詩謁薛映尙書有不
惜充君庖爲帶邊城信薛大稱賞而稱爲鮑孤鴈也謝
無逸咏蝴蝶有江天春晚暖風細相逐賣花人過橋而
稱爲謝蝴蝶也韋莊遇黃巢之亂作秦婦吟云內庫燒
爲錦繡灰天街踏盡公卿骨時稱爲秦婦秀才也許棠
有洞庭詩最工人稱爲許洞庭也范鎮嘗作長嘯卻敵
賦後嘗使遼人稱爲長嘯公也賀鑄字方回有江南梅
子之句傳播人口人稱爲賀梅子也應子和蠟炬短燒
紅風過落花紅兩岸夕陽紅而稱爲三紅秀才也梅聖
俞以咏河豚詩最工而稱爲梅河豚也劉一止以曉行
詩得名稱劉曉行也參寥僧有隔林彷彿聞機杼知有

人家住翠微之句後東坡在黃州州之士大夫問坡曰
聞有詩僧相從豈卽隔林彷彿聞機杼者乎坡謂參寥
曰此和尚七字號也元人錢塘張叔夏以春水詞得名
人呼爲張春水前明袁海叟因白燕詩月明漢水初無
影雪滿梁園尙未歸稱爲袁白燕張燦爲學士聯句得
單字有細雨斜飛燕子單之句馬端肅呼爲燕子單學
士崔不雕因黃葉聲多酒不辭之句王新城稱爲崔黃
葉此皆以詩句得美名也亦有以詩作喑喑者古今詩
話張昌齡謂蘇味道曰某詩所以不及相公者爲無銀
花合蓋以蘇元夕詩有火樹銀花合之句也蘇答曰某
所以不及相公者爲無金銅丁蓋以張贈張昌宗詩有

昔日浮邱伯今同丁令威之句也李義山詩鏤月爲歌
扇裁雲作舞衣自憐迴雪態好取洛川歸有棗強尉張
懷慶加爲七字句生情鏤月爲歌扇出性裁雲作舞衣
照鏡自憐迴雪態來時好取洛川歸人謂之活剝張昌
齡生吞郭正一撫言白樂天刺蘇詩人張祐來謁曰曰
久欽君欵頭詩祐愕然白曰鴛鴦鈿帶拋何處孔雀羅
衫付阿誰非欵頭耶祐微笑仰答曰亦嘗記得舍人目
連變白曰何也祐曰上窮碧落下黃泉兩處茫茫皆不
見非曰連變耶又北夢瑣言盧廷讓哭邊將詩曰牒多
身上職盤大背邊瘡人謂是打脊詩又有人詩云牕下
有詩畱宿客室中無事件僧眠人以爲自落便宜詩賈

島哭僧詩云寫畱行道影焚卻坐禪身時謂之燒殺活
和尚抒情集周繇謂羅隱曰足下有女幃子詩極好隱
不喻繇曰若教解語應傾國任是無情也動人非女幃
子耶隱大笑曹唐金陵佛詩詩云水底有天春漠漠人
間無路月茫茫人謂之鬼詩僧貫休上蜀王建詩有萬
水千山得得來之句建呼爲得得和尚劉貢父詩話韓
昌黎贈玉川子詩曰少室山人索價高兩以諫官徵不
起又曰先生抱才須大用宰相未許終不仕王予直謂
韓與處士作牙人商度物價六一詩話記聖俞嘗云有
贈漁者曰眼前不見帝朝事耳畔惟聞風水聲或以爲
此漁人患肝腎風又有咏詩者云盡日覓不得有時還

自來或以爲此人失卻貓兒詩也百斛明珠記杜默有
學海波中老龍聖人門前大蟲之句謂此乃京東學究
飲私酒食脹死牛肉醉飽而後發者孫魴有夜坐詩畫
多灰漸冷坐久席成痕沈彬謂田舍翁火爐頭語詩話
總龜張文潛作虎圖詩云煩君衛吾寢振此蓬華陋坐
令盜肉鼠不敢窺白晝潘邠老云卻是貓兒詩也後山
詩話云白樂天笙歌歸院落燈火下樓臺非富貴人語
乃看人富貴者也楊蟠金山詩云天末樓臺橫北固夜
深燈火見揚州王平甫謂莊舍牙人解量四至吳僧錢
塘詩到江吳地盡隔岸越山多或謂分界嶠子語也程
師孟作靜堂題詩曰每日更忙須一到夜深還是點燈

來人以爲登溷詩悅生堂隨抄僧法海好作惡詩鄉從事序之曰昔小杜在老杜之下今師又在小杜之下直方詩話張文潛作大旱詩天邊趙盾益可畏水底武侯方醉眠人以爲幾於湯燖右軍也昔有送熟鵝者曰湯燖右軍王荊公作謝公墩詩我名公字偶相同我屋公墩在眼中公去我來墩屬我不應名姓尙隨公人謂與死人爭地界辛稼軒帥越遣人招劉改之改之在西湖有事不及行作詞答曰斗酒疏舄醉渡淞江豈不快哉被香山居士約林和靖與蘇公等駕勒吾回坡謂西湖正如西子濃抹淡粧臨照臺諸人者都掉頭不顧只管傳林曰云天竺去來畫圖裏崢嶸樓觀開看縱橫一劒

東西水遶兩山南北高下雲堆逋曰不然暗香疎影只
可孤山先探梅蓬萊閣訪稼軒未晚且此徘徊改之嘗
以此語岳侍郎倦翁岳曰詞句固佳但恨無刀圭藥療
君白日見鬼証耳裴說嘗作杜工部墓詩云擬鑿孤墳
破重敎大雅生廖凝笑以爲掘墳賊金人張翥有西風
了卻黃花事不管安仁兩鬢秋之句人號爲張了卻趙
諷有好景落誰詩句裏蹇驢馱我畫圖中人稱爲趙蹇

驢

[illegible]

陔餘叢考卷二十五

陽湖 趙翼 耘菘

年號重襲

年號紀元自漢武始上自朝廷下至里社書契記載無不便之誠千古不易之良法也

按周厲王出居于瑤公卿相與和而修政號曰共和似此為年號之

始又劉貢父兩漢刊誤云年號之起由漢武之元鼎始吳仁傑云武帝即位大率六年一改元亦未有年號至五元之三年因有司言元宜以天瑞不宜以一二數乃追改一元為建元二元元光三元為元朔四元為元狩而五元尚未有各帝意將有待也明年貴鼎出遂改五元為元鼎而以是年為元鼎四年然歷

世既久而所取吉祥子止有此數稍不詳考未有不

重襲者宋太祖建號乾德以為自古未有後於宮中見

鏡有乾德四年字以問竇儀儀奏曰蜀少主之號

王衍驗

之果鏡自蜀中來乃嘆曰宰相須用讀書人宋徽宗號

建中靖國中丞王覲謂建中乃唐德宗之號當以德宗
爲戒宋孝宗嗣位初擬改元重熙汪應辰謂契丹嘗以
紀年而遼耶律資忠亦謂興宗不當用唐景福年號是
知時代久而年號多最易相襲今歷考各朝不特此乾
德建中重熙景福之一二重出也有正統之代襲用前
代舊號者有僭竊之主襲用前代舊號者有僭竊之主
彼此年號相同者有正統之代反與僭竊之號相同者
如漢武帝年號建元而晉康帝齊高祖亦俱號建元

劉

符堅亦同

漢宣帝號甘露而魏高貴鄉公吳主皓亦俱號甘露

符堅亦同

漢宣帝又號黃龍而吳大帝亦號黃龍漢光武帝號

建武而晉惠帝晉元帝齊明帝亦俱號建武

慕容忠元

漢

明帝號永平而晉惠帝後魏宣武帝亦俱號永平

李密王建亦同

漢章帝號元和而唐憲宗亦號元和漢安帝號永初而

宋武帝亦號永初漢順帝號永和而晉穆帝亦號永和

姚泓乞伏慕末亦同

漢冲帝號永嘉而晉懷帝亦號永嘉漢桓帝號

永興而晉惠帝後魏明元帝亦號永興

再閔苻堅亦同

漢桓帝又

號永康而晉惠帝亦號永康

乞伏熾盤纂容實亦同

漢桓帝又號元嘉

而宋文帝亦號元嘉魏明帝號太和而晉海西公奕後

魏孝文帝唐文宗亦俱號太和

石勒李勢楊溥亦同

魏齊王芳號正

始而後魏宣武帝亦號正始蜀後主號建興而吳主亮

晉愍帝亦號建興

張元靚李維慕容垂亦同

吳主亮又號太平而梁敬帝

遼聖宗亦俱號太平

馮跋林士宏亦同

晉武帝號泰始而宋明帝

亦號泰始晉惠帝號永熙而後魏太武帝亦號永熙晉

惠帝又號永安而後魏莊帝亦號永安沮渠蒙遜夏主乾順亦同晉元帝

號永昌而唐豫王旦亦號永昌李自成亦同齊明帝號永泰而

唐代宗亦號永泰梁武帝號大同而遼太宗亦號大同

陳後主號至德而唐肅宗亦號至德唐德宗號貞元而

金海陵王亮亦號貞元唐昭宗號景福而遼興宗亦號

景福遼道宗號大安而金衛王允濟亦號大安此皆後

代年號與前代同者也漢武帝號太初而符登乞伏乾

歸禿髮烏孤宋元凶劼亦俱號太初漢宣帝號五鳳而

孫亮竇建德亦俱號五鳳漢哀帝號建平而石勒慕容

望慕容盛慕容德後魏京兆王元瑜亦俱號建十漢章

帝號建初而李特姚萇李嵩亦俱號建初魏文帝號延
康而沈法興亦號延康魏明帝號青龍而北燕蘭汗亦
號青龍魏齊王芳號嘉平而劉聰禿髮傉檀亦俱號嘉
平晉武帝號咸寧而呂纂亦號咸寧梁簡文帝號大寶
而南漢劉鋹亦號大寶北齊文宣帝號天保而後梁蕭
歸亦號天保北齊後主緯號武平而高紹義亦號武平
後周明帝號武成而李希烈王建亦俱號武成唐太宗
號貞觀而夏主乾順亦號貞觀唐豫王旦號載初而安
慶緒亦號載初唐昭宗號天復而遼末回鹘保亦號天
復唐昭宗又號天祐而張士誠亦號天祐唐昭宗又號
大順而張獻忠亦號大順石晉高祖號天福而遼末耶

律淳亦號天福漢隱帝號乾祐而夏主仁孝亦號乾祐
宋英宗號治平而徐壽輝亦號治平此僭竊之主年號
與前代同者也劉聖公號更始而慕容冲乞伏乾歸亦
俱號更始孫皓號天冊而董昌亦號天冊孫皓又號天
璽而慕容儁亦號天璽劉聰號麟嘉而呂光亦號麟嘉
慕容覲號建明而元奭呂苟兒亦俱號建明慕容垂號
燕元而慕容德亦號燕元梁蕭棟號天正而蕭紀亦號
天正遼末移刺窩幹亦號天正蕭琮號廣運而劉繼元
西夏元昊亦號廣運史思明號應天而未泚劉守光夏
主安全亦俱號應天史思明又號順天而董昌郝儀亦
俱號順天王建號光天而南漢劉玢亦號光天此僭偽

草竊之年號彼此相同者也慕容永號中興而齊和帝

亦號中興

齊高

梁師都號永隆而唐高宗亦號永隆

閩王曦亦同

蕭詧號大定而周靜帝金世宗亦俱號大定乞伏國仁

號建義而後魏莊帝亦號建義

楊難當亦同

邢杲號天統而北

齊後王亦號天統

明玉珍亦同

南漢劉龔號乾亨而遼景宗亦

號乾亨南唐李景號保大而遼天祚亦號保大劉承鈞

號天會而金太宗亦號天會南唐賊張遇賢睦州賊方

臘俱號永樂而明成祖亦號永樂夏主乾順號正德而

明武宗亦號正德楊安兒號天順元泰定帝子阿遠吉

八立數月亦號天順明英宗亦號天順梁蕭莊後魏元

法僧皆號天啓而明熹宗亦號天啓此則建國立統之

朝反與僭竊年號同者也彼僭偽草竊之朝疎漏荒略
不及詳考層見複出固無足怪若昇平之世載籍具在
文士盈庭乃亦何以漫無稽考若是尤不可解者前明
之永樂天順天啓皆亂賊號也以大一統之朝偏襲用
亂賊年號更足貽笑千古矣元順帝慕世祖之治重紀
至元意雖出於法祖然御史李好文已言年號襲舊於
古未聞按晉惠帝號建武晉元帝亦號建武又唐高宗有上元之號而肅宗亦號上元是一朝二號相同亦不始於元若後魏孝

武之改元永興也後以與先世明元帝同號遂改永熙
桓元初篡立改年爲建始以與趙王倫同號遂改永始
而永始又王莽受封之年乃改大亨西夏元昊建元開
運或告以石晉亡國之號遂改廣運以偏安閏位僭竊

之朝尚知檢逕有明諸臣乃反不如元魏西夏何也蓋
前代王充紀年載在史策易於稽核至僭竊之號則散
見於他書非如正史編年之可考遂不覺暗合而不自
知其陋耳昔宋庠有紀年通譜今已失傳王應麟玉海
所載頗詳而宋以後無述近日陳景雲有紀元要略具
載歷代正史所紀年號景雲子黃中又增輯諸僭偽之
國頗爲該備然孔草竊盜賊所建僞號尙多遺漏今撮
錄各朝紀年及潛竊各年號分列於後庶覽者有所考
焉

歷代正史編年各號

漢武帝

建元
太初

元光
元朔
天漢
太始
太初

元狩
元鼎
元封

昭帝

始元
元平
元鳳

宣帝

本如

地策

元策

神爵

元帝

初元

永光

成帝

建始

陽朝

綏平

永姑

哀帝

建平

元壽

帝又以方士言欲改亦初元將四字中止

平帝

元始

孺子嬰

初始

光武帝

建武

明帝

永手

章帝

建初

元和

和帝

永元

殤帝

延平

元延見玉海

安帝

永初

元初

永寧

順帝

天建

陽嘉

建康

冲帝

永嘉

質帝

本初

桓帝

建和

和乎

元嘉

永康

靈帝

建寧

熹平

少帝

光熹

獻帝

永漢

初平

建安

延康

蜀昭烈帝

章武

後主禪

建興

延熙

炎興

魏文帝

黃初

明帝

太和

景初

齊王芳

正始

高貴鄉公髦

正元

元帝奐

景元

熙

吳大帝

黃武

黃龍

嘉禾

侯官侯亮

建興

五鳳

景帝休

永安

歸命侯皓元興 甘露 寶鼎 建衡

晉武帝泰始 咸寧 太熙惠帝永熙 永平 元康 永康 永寧 懷帝

愍帝建興

東晉元帝建武 太興 永昌用帝太寧成帝咸和 咸康康帝建武 永寧 穆

帝永和 升平哀帝隆和 興寧海西公奕太和簡文帝咸安孝武

帝寧康 太元安帝隆安 義熙 元興恭帝元熙

宋武帝永初 又號 大元 見玉海營陽王義符景平文帝元嘉孝武帝

孝建 大明廢帝子業永光 景和明帝泰始 泰豫蒼梧王昱元徽順帝

昇明

齊問祖建元武帝永明鬱林王昭業隆昌海陵王昭文

延興明帝建武 永泰東昏侯寶卷永元和帝寶融中興

梁武帝

天監

普通 大通 中大通

簡文帝

大寶

元帝

承聖

敬

帝

紹泰 太平

陳武帝

永定

文帝

天嘉

臨海王伯宗

光大

宣帝

大建

後

主叔寶

至德 禎明

後魏道武帝

登國

皇始

明元帝

永興

神瑞

泰常

又號咸熙見玉海

太武帝

始光 神嘉

延和 太平真君

正平

太延

文成帝

興安

興光

太和

和平

獻文帝

天安 皇興

孝文帝

延興

承明

太和

宣武帝

景明

正始

承平

延昌

又號熙平見玉海

孝明帝

熙平 神璽

正光

孝昌 武泰

莊帝

建義

永安

節閔帝

普泰

孝武帝

太昌

永熙

孝靜帝

天平

元象

興和 武泰

文帝

大統

廢帝

無年

恭帝

無年

號

北齊文宣帝

天保

廢帝殷

乾明

孝昭帝

皇建

武成帝

太寧

河清

後主緯

天統

武平

化

恒

承光

後周明帝 武成

武帝 保定

天和

宣帝 大成

靜帝 武定

隋文帝 開皇

煬帝 大業

代王侑 義寧

越王侗 皇泰

唐高祖 武德

太宗 貞觀

高宗 永徽

麟德 乾封

永隆 開耀

豫王旦 文明

光宅 垂拱

武后 天授如意 長壽

永淳 宏道

萬歲登封 萬歲通天

載初 神功

中宗 嗣聖 神龍

睿宗 景雲 太極

聖歷 久視

元宗 開元

肅宗 至德 乾元

代宗 廣德 永泰

德宗

先天 興元

順宗 永貞

憲宗 元和

穆宗 長慶

敬宗 寶曆

文宗 太和

武宗 會昌

宣宗 大中

懿宗 咸通

僖宗 乾符 廣明

中和 光啓

昭宗 龍紀 光化

大順 景福

乾寧

梁太祖 開平

末帝 貞明 龍德

後唐莊宗 同光

明宗 天成 長興

愍帝 應順

潞王從珂 清泰

晉高祖 天福 出帝 開運

漢高祖 乾祐 隱帝 年號

周太祖 廣順 顯德 玉海 又有天和建德二號

世宗 仍顯德 恭帝 仍顯德

宋太祖 建隆 乾德 開寶

太宗 太平興國 端拱 淳化 至道 真宗 咸平 景德 大中 祥符

天禧 乾興 仁宗 天聖 明道 景祐 寶元 康定 英宗 治平 神宗

熙寧 元豐 哲宗 元祐 紹聖 徽宗 建中 靖國 崇寧 大觀 欽宗

靖康 高宗 建炎 紹興 孝宗 隆興 乾道 光宗 紹熙 寧宗 慶元 嘉泰

開禧 嘉定 理宗 寶慶 紹定 端平 嘉熙 度宗 咸淳 少帝 德祐

端宗 景炎 帝昺 祥興

遼太祖 天贊 天顯 玉海 又有神冊之號 太宗 會同 大同 世宗 天祚 穆宗 康宗

景宗 保寧 乾亨 聖宗 統和 太平 開泰 興宗 景福 重熙 道宗 清寧 咸雍 太康 大安

天祚帝保大 天慶

金太祖收國 太宗天會 熙宗天眷 海陵王天德 亮貞元

世宗大定 章宗明昌 承安 衛王允濟大安 崇慶 宣宗

貞祐興定 哀宗正大 開興 天興 玉海金又有天祐之號不詳何帝

元祖元皇帝天興 世祖中統 成宗元貞 武宗至大 仁宗

英宗至治 泰定帝泰定 致和 明宗無年 文宗天歷 寧

宗無年 順帝元統 至元

明太祖洪武 惠帝建文 成祖永樂 仁宗洪熙 宣宗宣德

英宗正統 景帝景泰 憲宗成化 孝宗宏治 武宗正德

世宗嘉靖 穆宗隆慶 神宗萬曆 光宗泰昌 熹宗天啓 莊烈帝崇禎

歷代僭竊各年號

王莽

建國 天鳳 地皇 又號初始見玉海

劉聖公

更始

劉盆子

建世

隗囂

漢復

公孫述

龍興

後漢賊帥張曼成

神

公孫淵

西晉趙王倫

建始

南陽王保

建康

山都

賊邱沈

神鳳

東晉桓元

大亨

建始

永始

桓謙

大康

巴酋句渠知

平趙 見玉海

漢劉淵

元熙 河瑞

永鳳

劉聰

光興 建元

嘉平

劉粲

廢

前趙劉曜

光初

後趙石勒

太和 建平

石宏

延熙

石虎

建武 太寧

石遵

永嘉

石鑒

青龍

冉閔

永興

石虎時安定賊李子揚僭號大黃帝

龍興

前秦苻健

皇始

苻生

壽光

苻堅

永興 建元

甘露

苻丕

安

苻

登大初 苻崇延初 賊帥張琚建昌

後秦姚萇白雀建初 姚興皇初安始 姚泓永和 竇衝元光

蜀李特華陽國志云晏平晉書載記云建初 李雄建興 太武 李期玉恒 李壽漢興

李勢太和嘉寧 又有妖賊李定建興 偽稱李勢子年號鳳凰見晉書周訪傳

前燕慕容儁元璽光壽 慕容暉建興 為苻秦所滅苻秦亂後

慕容氏復起慕容泓燕興 慕容冲更始 段隨昌平 慕容

容凱建明 慕容望建平 慕容忠建武 慕容詳建始

西燕慕容永中興

後燕慕容垂建興 慕容寶永明 翟釗定鼎 蘭汗青龍 慕容

容麟延平 慕容盛建平長樂 慕容熙光始建始 高雲正始 馮跋

太平 馮宏太興

南燕慕容德 建平

慕容超 太一

前凉張實 永安

張茂 永元

張重華 永樂

張祚 和平

張元

靚 建興太始

張天錫 太清

張大豫 鳳凰

後凉呂光 太安龍飛

呂纂 咸寧

呂隆 神鼎

西凉李暠 庚子建初

李歆 嘉興

李恂 永建

西秦乞伏國仁 建義

乞伏乾歸 太初更始

乞伏熾盤 永康建宏

乞

伏慕末 永和

南凉秃髮烏孤 太初

利鹿孤 建和

倭檀 宏昌嘉平

北凉段業 神璽作天璽玉海

沮渠蒙遜 永安承元

牧犍 承和

夏赫連勃勃 龍昇昌武鳳翔真興

赫連昌 承光

赫連定 勝光

氏王楊難當 建義

宋元凶劭篡位

太初

晉安王子勛

義嘉

武昌王渾

元光此戲作

檄文而有是稱非實事也後竟以此被禍

氏帥趙廣

泰始見宋書劉粹傳

南譙王義宣

建平見

魯爽

傳

齊唐寓之

興平

雍道晞

建義

梁蕭棟

昭明太子之子爲侯景所立

武陵王紀

亦號天正

蕭莊

天啓見南史蕭方等傳

蕭

淵明

天成見南史

臨賀王正德

正平

交州民李賁

天德見梁武紀

侯

景

太始

後梁蕭詧

大定

蕭歸

天保

蕭琮

廣運

後魏南安王余

承平爲宗愛所立者

博真

承平太武帝後所立者

京兆王元愉

建平

汝南王元悅

更興策爲魏主梁武

徐州刺史元法僧

天啓

北海王元顥

孝基建武亦梁武所立

長廣王元曄

建明爾朱兆所立

章武王

元朗

丁與高
徽所立

賊帥鮮于修禮

魯興

杜洛周

真王

陳雙

熾

始建

葛榮

廣安

邢杲

天統

莫折念生

天建見
蕭寶寅傳

万俟

醜奴

神虎

蕭寶寅

隆緒

破六韓拔陵

真王

陳郡賊劉

獲鄭辨

天授

山胡劉象升

神嘉見
北齊書

汾州胡王巨觸

平都兒

北齊書

司馬小君

聖君
見道
武諸子傳

呂苟兒

建明

涇州賊陳瞻

聖明
見景
穆諸子傳

飢胡白亞栗斯

建平

翟遼

建光見
玉海

北齊安德王高延宗

德昌立
二日而滅

范陽王高紹義

武平奔突
厥後即位

稽胡賊劉沒鐸

右平

隋末賊帥向海明

白鳥

劉迦

大世

朱粲

昌達

操師乞

北史
謂年

號始興
隋書及
唐書謂年號天成

林士宏

太平
玉海
又云天成

李子和

丑平
舊唐
書作正平

竇

建德

丁丑
五鳳

王世充

開明

宇文化及

天壽

李密

舊唐書謂
魏公元年

改元永平

李軌

薛舉

劉武周

浮屠高

星成

蕭銑

劉黑闥

沈法興

李子

通

梁師都

曹武徹

輔公祐

高開道

天成

唐殤帝

譙王重福

濮主

嗣襄王煜

建貞

安祿山

安慶緒

史思明

史朝義

李希烈

段子璋

浙東賊袁

晁

朱泚

黃巢

裘甫

土摩沙

五代梁郢王友珪篡立

劉守光

吳楊隆演

楊溥

前蜀王建

王衍

蜀賊張育

程

參餘叢考

參正

上

道養泰始

後蜀孟知祥明德 孟昶廣政

南漢劉龔乾亨 大有 自龍 劉玢光天 劉晟應和 應乾 劉鋹大寶

閩王璘龍啓 玉海 又作永和 王昶通文 王昶永隆 王延政天德

南唐李昇昇元 李景保大 中興 交泰 賊帥張遇賢宋宋見 五代史

董昌新唐書云天冊 五代史云順天

吳越錢鏐寶正 見五代史 又有天寶寶大二號見十 國春秋及洪容齋隨筆又有廣初一號見玉海

北漢劉承鈞天會 見李 暉千佛樓銘 劉繼元廣運

西夏元昊開運 廣運 大慶 天授禮法延祚六字號 諒祚延嗣寧國 福聖永道 天祐垂聖 繆都

拱化 秉常阜通 天賜禮盛國慶 大安 天安禮定 乾順天儀治平 天祐民安 永安 貞觀 維寧 元

德 正德 大德 仁孝大慶 人慶 天盛 乾祐 結祐天慶 安全應天 皇建 遵預光定

德旺乾定

遼人皇王倍甘露遼末東京詳穩大延琳天慶

渤海將

高永昌隆基

奚王回鹘保天復

耶律淳建福

淳妻蕭

氏稱制德興

梁王邪律雅里神歷

蕭幹天嗣

耶律大

石延慶 天德 禔國

大石妻塔不烟咸情

子夷列招具其妹

速昔完崇福

夷列次子直魯古天禧

耶律留哥元統

宋貝州賊王則得聖

廣源酋儂智高啓歷 王海又有 端懿 景瑞等號蜀

賊王均化順

睦州賊方臘承樂 和通事 見宣

苗傅劉正彥擅

立皇子勇明受

洞庭賊楊么庚戌 又有 大天聖王之號李順應運

金劉豫阜昌

山東賊郝定順天 見 侯肇傳

移剌窩幹天正 見 逆臣傳遼

東賊蒲鮮萬奴天泰 見 金宣宗紀

楊安兒天順 見 僕 散安貞傳

信州賊梁

丹德壽隨鎖

身聖見內族襄傳

弘軍賊

天賜見完顏佐傳

元泰定帝之子阿速吉八

天順

順帝之子愛猷識理達

臘

宣光後又有年號曰天元者見高麗史

陳弔眼據漳州起兵復宋

年號昌泰見鄭所

南集

邪斯伯

天威本耶律留哥部下乞奴金山所推為遼主

乞奴金山

天德俱見耶律留哥傳

錦州賊張致

興龍

廣州賊林桂芳

延康

廣東賊朱光

卿

赤符

温州賊陳空埴

正台

林兒

龍鳳

張士誠

天祐

徐壽輝

治平

陳友諒

大義

陳理

德壽

明玉珍

天統

明

昇

開熙

明麻城賊李天保

武烈見明史李震傳

西華賊劉千斤

德勝見明史白圭傳

葉宗留之黨陳鑑胡

泰定見明史張文及侯進傳

白蓮賊徐鴻儒

大成吳勝

見明文

流賊李白成

永昌

張獻忠

大順俱見明史流賊傳

此外有外蕃年號見於唐書宋元明史及通鑑王

海者今并摘錄

土番贊普 桑泰

渤海王武藝 仁安

欽茂 大興

華興 中興

嵩隣 正歷

元瑜

言義 朱雀 太始 建興 唐書所記如是 通鑑又謂明忠太始

南詔酋龍 建極 玉海

見

法 貞明承智大同六 字為號 見通鑑

舜化 中興 此外又有明

聖保和政安明

統等號 又有 崇興大寶

天瑞景星皆四字為號 見玉海

本王孝德 白雉 見唐書

又有 文治 寬宏 應保 賢龜 白龜 天白 天歷等號

又有 天平寶勝四

字為號 俱見玉海

平秀吉 文祿 見

父趾陳日尊 寶象 神武 見宋史而玉海作李日尊

元史安南又有 紹隆 紹寶等號

李乾德 太寧 此外又

有 天紀寶象 彰聖嘉慶 皆以四字為號 見玉海

安南黎蒼

元聖

簡定

興慶

陳季擴

重光

塗山僧范玉

永曆

黎利

順天

黎麟

維寧

黎濬

大利

黎琮

天

黎灝

光順

黎暉

景統

黎誼

端慶

陳曷篁立

應天

黎暉

洪順

莫登

庸

明德

莫方瀛

大正

黎寧

元和

黎憲

光昭 俱見明史安南傳

大理

有保天

道隆

文治

利貞等號

高麗

有延祥

正豐等號

于闐

有同慶年號

柔然

有始平年號

蜀叢帝

萬通

以上五條俱見玉海也

无刺也先自立可汗

添元見明史

此外道經有

延康

赤明

龍漢

開皇

上皇

無極

永壽等號見隋志

改元

歐陽公云年號以一爲元亦未嘗有法蓋古人之語爾
古謂歲之一月不曰一月而云正月國語六呂曰元間
太呂周易六爻曰初九大抵古人言數多不云一不獨
年號也後世始以孔子書元年爲春秋大法遂以改元
爲重事漢以後又名年以建元而稱號遂多不勝其紀
也按歐公此說亦臆度之詞古人最重者元漢律歷志
云歷始曰元傳曰元者善之長也又曰元體之長也三
統合於一元古人所謂元祀元年蓋取諸此董仲舒亦
曰春秋謂一元之意萬物所從始也元者辭之謂大也
謂一爲元者視大始而欲正本也是建元爲重事由來

久矣古者天子諸侯皆終身一元年無所謂改元者史記秦惠文王十四年更爲元年此實後世改元之始漢文帝因新垣平之言亦以十六年爲後元年景帝又有中元年後元年之改至武帝而改元十餘次後人但知改元自武帝始則以武帝有年號人所共見而不知改元實非始於漢武也歷代以來又有不應建元而卽有年號者如劉淵稱漢王卽建元元熙僭帝位又改永鳳石勒稱趙王卽建元太和僭帝位又改建平呂本桓姑臧卽建元太安稱三河王又改麟嘉稱天王又改龍飛以及諸僭僞國如乞伏沮渠禿髮之類雖不稱帝而冬有年號是也又有不改年號而但改元者如光武帝仍

建武之號而改爲中元年梁武帝仍大通之號而改爲
中元通元年是也有一歲而兩三改元者漢中平六年
獻帝卽位改元光熹張讓段珪誅後改元昭寧董卓輔
政改元永漢此一歲四號也晉惠帝太安二年長沙王
又事敗成都王穎改元永安河間王顥得政又改元永
興魏孝明帝武泰元年崩孝莊帝立卽改元建義又改
元永安宋廢帝子業卽位之次年改元永光又改元景
和唐中宗嗣聖元年武后旣廢立改元文明九月又改
元光宅垂拱五年春改元永昌十一月又改元載初五
授三年夏四月改元如意秋九月又改元長壽及長壽
三年夏五月改元延載十一月又改元證聖其明年九

月改元天冊萬歲十二月又改萬歲登封其明年四月

改元神功十一月又改元聖歷又四年改元大足十月

改元長安

按武后以運子月爲正朔
八十元月之改已屬歲首

及金哀宗正大九年旣改

開興又改天興明萬歷四十八年神宗崩光宗立一月

崩熹宗立從左光斗議以今年八月以前仍爲萬歷八

月以後爲泰昌明年爲天啓是皆一歲兩三號也有不

應改元而卽改者蜀先主卒子禪嗣未逾月卽改元建

興吳孫亮晉惠帝宋元凶劬亦然宋書五行志謂數君

皆不終其位是也有應改元而不改者人君卽位逾年

卽改元而梁末帝晉出帝劉承鈞皆踰年不改元又明

年始改孟昶卽位五年始改金熙宗卽位亦二年始改

痛哀帝漢隱帝周世宗皆用先世年號終身不改良帝
隱帝皆年少且迫於權臣故不暇及世宗何以亦因循
如此豈以周太祖甫改元卽崩顯德之號初未嘗用遂
襲以紀年耶又有年號犯諱而不改者梁末帝名友貞
而年號貞明漢隱帝名承祐而年號乾祐夏主仁孝之
父名乾順而仁孝亦改元乾祐舉朝之人不聞議及何
也

年號用字

年號用字固取吉祥然又有當慎擇者晉元帝改元永
昌郭璞謂永昌之名有二日之象齊鬱林王建元隆昌
南史論亦謂同此讖焉梁侯景立蕭棟改元天正武陵

王紀僭位亦改元天正識者以爲於文天爲二人正爲
天止言各一年而止也永豐侯歎曰昔桓元年號大亨
音者謂二月了而元之敗實在仲春今日天正在文爲
一正其能久乎紀興棟果皆爲元帝所害北齊文宣帝
年號天保識者曰天保之字爲一大人只十也帝其不
過十乎文宣果在位十年後主緯奔鄴命安德王延宗
守晉陽延宗爲衆所推卽帝位年號德昌人以爲德昌
者得二日也果卽位之明日被周師所圍越宿而敗正
得二日蕭琮年號廣運識者曰運之爲字走軍也隋煬
帝改元大業或以爲大苦來唐僖宗年號廣明及黃巢
反以爲唐去丑口而着黃明已當代唐以爲圖識宋徽

宗改宣和或云一家有二日果徽欽同帝欽宗改元靖
康或以爲立十二月果同歲而失國或又謂十二月立
康王之兆其讖果驗明泰昌亦二日也果是年天啓繼
位凡此雖皆偶然適中未必因此遂致不祥然亦不可
不加意也

沈作誥又謂年號忌與前世謚號陵名相之本朝熙寧崇寧二
名乃南朝章后宜后之二陵名也亦當時大臣不學之過則年號
并當避陵名矣亦
見袁文彙編間評

年號併稱

宋以前國家年號從無司取一字而以兩年號併稱者
自宋始有熙豐乾淳之語至見之章奏筆之著述然猶
一帝改元之號自爲聯屬也至明乃合兩帝併稱如永
宣成宏嘉隆隆萬天崇之類并有取下一字併稱如化

治慶歷啓禎者雖無甚圖係然亦草野橫議之一端也
本朝未有明禁而自無此習一則

列聖享國久長一則

朝廷尊嚴人情敬畏故也按唐德宗思貞觀開元之治
乃建號貞元宋孝宗兼取建隆紹興乃建號隆興取乾
德至道乃建號乾道寧宗兼中開寶天禧乃建號開禧
金史完顏匡曰宋取先世開寶
天禧紀元開禧豈忘中國者哉然則朝廷之上已開其端

